


COPIED
ONE



Piæ, ac religiosæ
MEDITATIONES
 PRAECLARI IVRISC.
FLAMINII DE RVBEIS
 VTINENSIS

*in acerbissima IESV CHRISTI, Cruce, & morte,
 affecti tormenta, & cruciatus.*

AD ILL.^{um} CARDINALEM
 SARNANVM.



VTINI, Cum licentia Superiorum. M.D.XCV.



Pis, ac religiosæ

MEDITATIONES

PRAECLARI IVRIS

FLAMINII DE RABEIS

VTINENSIS

in auctoritate IESU CHRISTI, Praeceptoris
officii formata, & tractata.

AD ILL. CARDINALEM

SARINAVM.



VTINI, Cum licentia Superiorum. M.D.XC.





Illust.^{mo} & Reuer.^{mo}
CONSTANTINO
SARNANO

S. R. E. tit. S. Petri in Monte aureo CARDINALI,
Domino suo obseruandissimo.



CV M summos diu in Cæsareo, Pontificio-
 que iure diligenter examinando, disqui-
 rendoque labores exantlassẽ, atque in
 agendis in foro causis, clientibus defen-
 dendis, dandisq; responsis omnem planẽ
 ætatem contriuissem, inquietam hanc vi-
 tam fastidiens, tandem quasi ad me reuer-
 sus, & me ipsum colligens, de animæ salu-
 te cogitare cœpi. Cũ verò sacri dies appetissẽt, quibus ve-
 teri piæ matris Ecclesiæ consuetudine, & instituto nobis reco-
 lendum proponitur, quicquid assertor noster in reparationem
 humani generis miserabiliter, & indignẽ, cũ animo, tum cor-
 pore usque ad necem perpeßus est, ad illius ego Cruci suffixi
 imaginem prouolutus, cœpi cum eo tristis rationes perputare,
 ante actam vitam dispicere, contemplari, accusare, melioremq;
 in posterum profiteri. Dei misericordiam, benignitatemq; de-
 mirabar, qui meam tamdiu æquo animo tulisset iniquitatem,
 graduq; tam lento ad vindictam sui procederet ira eius: amo-
 rem dehinc summum, immensamq;, & infinitam eius in genus
 humanum charitatem animo, & cogitatione complectebar;
 qui non pro iustis, & amicis, sed pro nobis hostibus, & iniquis

simis, ac sordidissimis mori, & sacratissimum sanguinem alacri, erectoq; animo profundero non fuerit dedignatus. Multa insuper ad salutem pertinentia memoria, menteq; comprehendebam: fluebant lacrymæ: pectus anxium, & sollicitum estuabat: ardebat cor, suspiria, & gemitus erūpebant: & inter spem, & metum requies nulla dabatur animæ meæ. Quam felix Deus immortalis, quamq; beata mihi visa est hæc vitæ commutatio. non infulas, & mitras Pontificias, non sceptræ, & coronas tanti faciendas, quanti pios gemitus ex imo pectore erutos existimabam. O charæ lacrymæ, ò chariora suspiria: ò dulces cogitationes, ò dulciores colloquutiones: ò dulcissima tandem servorum Dei conditio. Dum hæc ego mente contrecto, iucundissimas mihi ab ipso Crucifixo meditationes afflari sentiebam, quæ, ne exciderent, scriptis mandare institueram. Cum verò Vrinum aduentasset vir pietate, moribus, & doctrina spectatus, & clarus Simon Veronensis ex Capucinatorum familia, tui studiosissimus, cuius ego consuetudine quàm familiarissimè uti solebam, dum concionatoris apud nos munus peregrinè functus est, & die quadam, ut sit, incidisset sermo de Dominica passione, persensit, (nec satis scio unde id illi subolere potuerit) me de hac ipsa re quædam literis mandasse. Quare is à me petere cœpit, & omni studio contendere, ut legendi quæ scripseram, sibi copiam facerem. Ego verò, qui tantum virum ob eximias eius virtutes plurimi semper feci, cuiusq; postulationes præcepti loco mihi ducendas arbitrabar, illius precibus cessi, quæq; conscripseram legendi ei facultatem dedi; cum autem libellum perlegisset, placere sibi commentationes, & cogitata mentis meæ dixit, simulq; hortatus est, ut illas in Christi fidelium gratiam, solatiumq; euulgarem. Quinetiam nimiam lentitudinem, & tergiuersionem acriter accusavit, qui paterer (ut aiebat) elargitum à Domino talentum in tenebris delitescere; cum inde possent pii saltem homines, si non etiam eruditi, aliquid sibi aliquando commodi comparare. Illud præterea addidit, me, nisi primo quoque tempore in usum publicum edidisset, negligentia huius meæ rationem in extremo iudicio esse redditurum. Quibus cum monitis, & præceptis, tum incrementationibus fateor me commotum penitus fuisse; quare factum est, ut chalcographo iam tandem meditationes ipsas excudendas permiserim. Cæterum cum asciscendus opusculo patronus aliquis videretur, cuius auspicijs excusum, illius etiam au-

Aoritate,

Auctoritate, & gratia à maleuolorum sermonibus immune, tu-
 tumq; redderetur, tu vnus occurrifti Card ampliff. cuius clien-
 telæ vt me, meaq; committerem, Simon ipfe perfuafit, & cele-
 britas nominis tui, quæ longè, lateq; diffusa eft, confirmauit.
 Neque verò cuiquam decentius hic Dominicæ passionis liber
 dicari poffe videbatur, quàm tibi, qui veltigijs infiftens Seraphi-
 ci Francifci, cuius corpus ob exuberantiam eius in Chriftrum
 Iefum pietatis, facra Dominicorum vulnerum impreffione me-
 ruit infcribi, eius etiam præcepta doctrinæ fequi profiteris.
 Ea præterea in te eft, cùm virtus, & omnis doctrina liberalis,
 tum vitæ fanctitas, & morum præftantia, vt omnes boni certif-
 fimum fibi in te præfidium fitum effe arbitrentur. Quis autem
 carpere audeat tua fubnixa auctoritate formis expreffa volu-
 mina? quis extimescat libellus, aut manus audaces, aut dentes
 maledicos obrectatorum, qui in fronte tuo nomine, ac numi-
 ne insignitus in apertum exierit? Namq; (fi verum fateri liber)
 tu is es, quicùm pauci conferri, præferri nemo omnino poffit.
 Sic enim omni genere laudis excellis, vt mirandum non fit, fi
 te boni omnes admirentur, & colant, feq; per beatum meritò
 cenfeant, quicunque viam inuenerit, qua fe in clientelam tuam
 recipi aliquando poffit. Non enim vanis huius corrupti feculi
 oblectamentis, & voluptatum illecebris, quas Plato efcam ma-
 lorum appellare confueuit, te vnquam dedifti; fed cùm thesau-
 ros poffideas omnium fcientiarum maximos, in amplectenda,
 colendaq; virtute, in parandis bonis, ingenuisq; artibus inter
 doctos, tam Theologos, quàm Philofophos vitam honeftè, &
 laudabiliter traducis. Nulla eft autem liberalis difciplina, nulla
 ars ingenuo, ciuiliq; digna homine, cuius tu folidam, abfolu-
 tamq; cognitionem non fueris affecutus. Quid dicam de
 Theologia, rerumq; diuinarum fcientia, in quibus perfcutan-
 dis quantum olei, & operæ impèderis, & in dies magis, magisq;
 infumas, & doctiffimorū virorum testimonia, & tua præcipua
 illa vis, & vbertas in differendo, declarat? Mitto reliquas, fed in-
 numeras, quæ in te infident virtutes, quas vt non in vno quouis
 homine fingulas reperire facilè eft, fic in te funt copiofiffimæ,
 quas comitas, humanitas, & prudentia comitantur, & mirabi-
 liter exornant. Verum cùm eas recenfendi locus hic planè alie-
 nus videatur, pedem referens, hic finem facio. Non enim eo,
 vt te laudarem, confilio hæc mea instituta eft oratio, fed maxi-
 marum laudum tuarum ita me perpulit admiratio, vt ab eis

non

non quidem commemorandis, sed aliqua ex parte adumbran-
dis mihi temperare non potuerim. Porro laudibus ad celum
efferendus est piæ recordationis Sixtus Quintus Pontif. Max.
qui te ad tantæ dignitatis fastigium euexit, quique celeberrimi
Cardinalium Collegij dignitatem tui in illorum ordinem co-
optatione, non solum auxerit, sed etiam illustrauerit; vnde non
immeritò facilem iam tibi ad amplissimum, omniumq; maxi-
mum Sacerdotium aditum patere, summis virtutibus tuis id
sibi iure planè suo deposcentibus & angustor coniectura, & ex-
peto, neque, quod te dignissimum omnes prædicant, despe-
ro futurum. Tu verò pater Illustrissime, quando te omni vir-
tutis genere florentem par est, virtutis parrocinium suscipere,
illisque vehementer fauere, qui ab incunte propemodum æta-
te literis operam nauantes, asserere se à mortalitate monumen-
to aliquo adnituntur, munusculum hoc meum, qualecunque
est, quod nominis tui amplitudini do, dico, addico, alacri ani-
mo, & serena fronte tanquam perpetuæ meæ in te obseruantia
pignus, quæ tua est benignitas singularis, accipere ne graueris.
id verò si tibi non penitus improbari intellexero, maximum la-
boris mei fructum, me consecutum esse arbitrabor. Vale se-
culi nostri decus, & libellum hunc, meque ipsum totum in fi-
dem, & clientelam tuam recipi, id quod à te, vehementer etiam,
atque etiam peto, atque pro tua summa in literarum studiosos
omnes propensione certò fore confido. Iterum vale.

Illustriss. atque Reuerendissimæ Do. tuæ addictus seruis

Flaminius de Rubéis Vtinenſis Iurisc.

22

Ad Clariss. Iureconf. D. Flaminium de Rubeis Vtinen.
de pientissimis eius meditationibus.

Simon Veronensis ex Capucinatorum familia.

A Etherias veluti se attollere semper in auras
Excita ab ardenti stipite flamma solet:
Sic tu mente petis summi penetralia cœli.
Hinc meritò à flamma nomen, & omen habes.
Dum pia dilecti meditaris vulnera CHRISTI,
Atque salutaris sensa verenda Crucis.
Vnde ego Iuliadum tibi, gloria prima, nepotum,
Auguror hæc meritis præmia digna tuis;
Dulcia ceu vincis facundi Nestoris ora,
Nestoris ut superes sic quoque secla senis.

Marci Antonij Fiducij Vtinenſis
ad Lectorem.

Icui dura riget circum præcordia cautes:
Concretusq; acri frigore sanguis hebet;
Clauum sume, ingens præfixa aut cuspide robur,
(Instrumenta nocis CHRISTE verenda tua)
Et fera tunde frequens præfracti marmora cordis;
Excudesq; ignis semina multa sacri.
Cuius ope ardentis mitescent viscera: & omnis
Lumina per glacies victa tepore fluet.
Flaminico, ista docent, meditata volumina sensu.
Perlege, & exiguo tempore sanctus eris.

In

In sacras meditationes celeberrimi Iureconf. D. Fla-
minij de Rubeis.

Francisci Amulij Vtinensis.

V Ita est nulla, Crucis qui auulsus imagine ab huius,
Quisquis aues tutam carpere in orbe viam.
Hic tu diuitias, & sceptrum, & regna, & honores
Despicis immensi raptus amore Dei.
Vulneraq; inspiciens, CHRISTIQ; opprobria mille,
In Cruce qua pro te, criminibusq; tulit,
Munere vitæ huius defunctus, noscere vitam
Tutius, aut melius non aliunde potes.





FLAMINII DE RVBEIS
I. C. VTINENSIS

In CHRISTVM passum Meditationes.



Quotiescunque ad tuam in Cruce pendentis sacratissimam imaginem contemplandam, delitium animæ meæ Christe IESV, propius accedo (accedo autem quam sapissimè) vel accusantis conscientia impulsu, vel insectantium inimicorum metu, vel flagellorū iræ tuæ admonitu, vel numine sancti Spiritus afflatu, in metu sum primum, mox lugeo miser, demum me totum in humiles preces demitto. Quæ enim admisi scelera, terrent animum: ciet lacrymas spes ipsa veniæ: clementia verò tua mentem meam in altissimam surrigit contemplationem. Nam licet peccatorum mole prematur anima mea, quæ propterea de suo periculo est sollicita, & futuram pertimescit cladem; meditatione tamen dulcissimi nominis IESV, & amarissimæ passionis memoria sustentata, proximè assurgit ad Deum, & quasi diuinitatem consecuta, beatorum spirituum cœtibus inseritur, Diuorumq; gaudijs, atque bonis omnibus profluenter expletur. Quid enim deest illi, qui Deo adhæret? non adhæret autem, qui mundi voluptates secutus abesse eligit sponte sua. Ego verò ad te, dulcissime IESV Christe, quasi postlimino reuersus, atque è durissima, longissimaq; captiuitate redemptus, supplices tendo manus, & in sanctorum ciuium ordinem cooptari vehementer peto. peto autem confidentissimè, nullis certè meritis meis, sed tua fretus pietate, quam in Cruce extenta brachia, caputq; proclina- tum mihi non obscure pollicentur. Suscipe igitur, meq; ne reijcias que-

B so.

In Christum passum

so. reijcias autem? cū latè profusus sanguis ingentem tuam in nos benignitatem, vehemensq; reparandi humani generis desiderium euidentissimè commonstret? Quas verò ò bone IESV, linguæ, aut calamo, mens mea conceptas dicabit cogitationes? Nullas equidem video concipi digniores posse, quàm quæ Dei misericordiam complectantur: nullas vtiliores ijs, quibus mors, & cruciatus tui comprehendantur: nullas denique magis necessarias, quàm quæ delictorum meorum indagine excudantur; circa quæ versabitur, & exercebitur anima mea semper. Itaq; ò inanes cogitationes meæ; ò frigida, geluq; torpentia mea suspiria Christi pectus flagrantissimum subite, vt inde tantum flammæ vaporis hauriatis, quantum ad colligandum rigorem spiritus vestri, ipsumq; inflammandum, sat esse possit. Clavis calami: sanguine atramenti, & exangu corpore paginæ vice vtar in mentis meæ cogitatibus explicandis; atque vtinam sic vtar, vt expedit animæ meæ; in quo autem defecero, suppleat benignitas tua. Intonet verbum tuum in animam meam, vt illa percussa, instar gratissimæ Echus, reddat voces laudum Dei, quæ solæ consternatos spiritus erigere, confirmare, ac delectare possunt. Vt enim vox ipsa sine verbo inanis est, sic & ego vir inops, & nuda vox, si incarnatum verbum non afflauerit, ieiunus ero, & frustra omnino laborauero. Vt autem aliquid proficiam, qui frontem tollere non audeo, ad pedes sanctissimos prouolutus, hos amplectar, hosce stringam, osculabor, lacrymisq; indefinenter rigabo. Hos (inquam) osculabor, repetitisq; basijs venerabor, qui continua lassitudine confecti, tam multos pro mea salute labores exantlarunt. Hos, qui pretiosissimo sanguine perfusi, testes sunt amplissimi, certissimi, & locupletissimi cū charitatis tuæ, tū salutis meæ. Quoniam verò anima mea est sicut terra sine aqua tibi, siccq; oculi largos lacrymarum fontes effundere nequeūt, Magdalenam sanctissimam, quæ ab hisce diuelli nunquam potuit, precabor, vt eam mihi abs te impetret lacrymarum vim, quæ ad eluendas vitæ sordes, & animæ labes eximendas sufficere vbertim possit. Sufficient autem (id pro certo habeo) quoties purissimo Crucifixi mei cruore contactæ, & diuini amoris incendio concalefactæ fuerint. Sic enim & animam ornabunt meam, & illam vsque adeo commoueunt, vt vberimos discat reddere fructus penitentia dignos, æternæq; vitæ dulcedine refertos. Itaq; ne cessetis lacrymæ per Deum, nam licet molles, & minus sitis æstuosæ, tamen si non vi vestra, at saltem longo fluendi vsu, petram nostram, quæ Christus est, pertrundetis. Sed quid nam viuas non stillabunt lacrymas oculi mei, videntes è sacro latere Crucifixi largos manare sanguinis, & aquæ riuos? & à toto patientis Christi corpore vndantem gratiarum copiam erumpere? Si Solis ea virtus est, vt tantam vaporis multitudinem suis attrahat ignibus, quanta in humorem pluuium conuersi, inebriandæ, secundandæq; terræ sufficiat, cur non & ipse iustitiæ Sol noster è terreo corde meo lacrymarum eam educet copiam, quæ animam meam inebriare, secundareq; & mundare à peccatis possit? Te ipsum compello IESV, vt quid facturus, sim doceas. Quid? mortuo verba faciam viuus? imò verò mortuus

mortuus ego, tu viuus viuentium Deus, qui cunctis vitam inspiras. Locutus es nobis Deus homo factus, dum in terris, atque inter homines versabar: Loquere nunc in sede maiestatis tuæ sedens ad cor meum, cum sit sermo tuus penetrabilior omni gladio ancipiti, ut faciam voluntatem tuam, discamque enarrare eloquia tua dulciora super mel, & fauim ori meo. Ah Domine, nescio loqui, tu, tu, qui facis balbutientium linguas esse disertas, labia mea aperies, & os meum annuntiabit laudem tuam. Tua ea prima sit laus, quod nos ab æterno, & antequam essemus, ante ipsam mundi constitutionem singulariter dilexisti. Cum enim æterna productione genitus esses à patre sine matre Deus, temporaria generatione in matris ventre, absque patris ministerio nasci voluisti, ut patris altera, alteraque matris tantum concursu perfecta esse videretur. Prior autem, quia spiritus fuit, Deum genuit: posterior, quia carnis, hominem protulit; sicque spiritus, & caro, Deum hominem effecere. Et summo quidem consilio. quoniam cum Dei maiestas à primi hominum parentis peccato læsa esset, iusteq; Deus satisfactionem repeteret, finitus homo, mortalis, & ex carne; infinito, immortalique Deo, qui spiritus est, satisfacere haudquaquam poterat: Contra verò pro homine pati Deus non poterat natura impassibilis; ideoque hypostasi Deum, & hominem complectente opus fuit, ut sic esset, qui pateretur, qui que dignè persolueret. Hinc humanam tu, mi Deus, naturam induere, & ex sola muliere homo nasci dignatus es sine patre, quemadmodum & prima scæmina è regione sine matre educta est; tuæ veluti diuinitatis oblitus, ut humanitatis nostræ misereris. O ineffabilem charitatē, o mirum amorem, o inenarrabilem dilectionem. verè nimiam, cum effecerit, ut Deus exinaniret semetipsum formam serui accipiens, ut nos seruos demonum, ad cœli perduceret libertatem; essemusque hæredes Dei, & cohæredes ipsius Christi. vnde quodammodo plusquam filium nos Deus amare visus est; cum voluerit filium mori, ut nos viueremus: tristari illum, ut nos læti efficeremur: vulnerari illum, ut nos sanaremur: sanguinem eius fundi, ut nos mundaremur. Quare non dixit Spiritu sancto afflatus Ioannes, verbum carnem assumpsit, sed verbum caro factum est, ut intelligeremus, visceribus nostris misceri quodammodo se totum voluisse Deum. O beatos homines, si tanti accepti muneris non erunt immemores; quorū humilis conditio, non modo supra ipsa sydera, sed & supra Angelorum choros euecta est. Siquidem inclinavit cœlos, ut terram attolleret: humiliavit diuinitatem, ut extolleret humanitatem; vnde & dicimus verè terram nostrā cœlos omnes supereminere. Cæterum licet hæc magna sint, humanumque excedant ingenium; meritum verò multo magis, sunt tamen consequentia maiora satis. quoniam non nasci modo inter nos homines voluisti Deus, sed & propter nos; nempe ut nos redimeres à peccato, & à peccati pœna, quæ mors est; ingentes pro nobis sustinendo labores, dolores acerbissimos perferendo. Quicumque enim attentius vitam inspexerit tuam, cognoscat nihil ea durius, nihil miserabilius excogitari posse. Nam incunabula in paupertate fuere: consequens vita misera, & omnis

In Christum passum

calamitatis plenissima, mors denique ipsa infamis. Natus quippe es inter iumenta: reclinatus in præsepio: enutritus inter humiles, & egenos: destitutus ab omnibus: vitam laborando, sufferendo, esuriendo, ac sitiendo inter peccatores, publicanos, persecutoresq; traduxisti: Mortem verò inter trones, & nebulones obijisti. Vix dum enim natum Herodes conquisivit, ut occideret: fuga in Aegyptum miseras testatur: continuè scribarum, & phariseorum calumnie ærumnas ostendunt: pontificum, iudicumq; criminationes, & iudicia testes sunt dolorum, langorum, & necis. Quid enim miserabilius, quàm non habere locum in dinerforio? Quid calamitosius, quàm non habere, ubi caput reclinari possit? cum tamen etià vulpes foueas habeat, quibus se condant. Quid lacrymosius, quàm ab amicis deserì, ab inimicis capi, contumelijs affici, colaphos perpeti, sputis deturpari, alba veste publicè dehonestari, verberibus cedi, Crucisq; demum suspendio infamari, & de medio tolli? Sed iam ipsam meditemur passionem, immensamq; demiremur charitatem, patientiam, humilitatem, obedientiam, & bonitatem, ut discamus compati; & ut, qui iustè pro peccatis nostris affligimur, animo forti perferre ærumnas assuescamus; cum tua omnis actio nostra esse debeat institutio. Sed vnde potissimum exordiar? num à cœna? an ab horro? an verò à captura? In cœna quippe charitatem, in horro constantiam, in captura maximè patientià ostendisti; in quibus vnà coniunctæ inspiciuntur, cum charitate libertas, cum constantia humilitas, cum patientia virtus, & obedientia. Etenim quæ maior charitas esse potuit, quàm amicis, & inimicis pariter te ipsum totum exhibere? quæ liberalitas augustior, quàm carne, sanguineq; tuo dilecti onis pignus obfirmare: omnesq; simul, & indifferenter cibo, potuq; cœlesti sadiare: quæ animi fortitudo maior, quàm oblatam Crucem spontè suscipere, nec inter sanguinis sudorem deficere? quæ humilitas cum hac comparanda, qua in pectus pronus cadens, patrem adorare, & illius te subijcere voluntati non dubitasti, æqualitatis, ut Deus, cum illo quasi oblitus tuæ? Hem quis patientiam non miretur tuam, qui cum Deus esses, impassibilis, & immortalis, pati tamen, & mori voluisti, & in ipsa morte dolores haurire acerbissimos, solusq; vehementius pati, quàm cuncti simul martyres, quot quot vnquam fuerunt, eruntve passi sunt, aut patientur? Caput enim perforatum acutissimarum spinarum aculeis, & arundine percussum: facies sputis deturpata: oculi velo cincti: genæ alapis contusæ: nares sputorum virulentorum odore tetro contactæ: os felle, & aceto collutum: aures execrandis detestationibus verberatæ: facies crnore madida: collum fune religitum, & obstrictum: humeri nil ferre assueri graui Crucis pondere onerati: dorso, brachijs, ventri, & reliquis sacratissimi corporis partibus tot impostæ plagæ, ut à planta pedis vique ad verticem capitis nulla fuerit in te sanitas: manus cœli, & terræ fabricatrices, pedesq; Angelorum calcatores pungentibus transfixi clauis: latus demum lancea traiectum. O vos omnes, qui transitis per viam miserrimæ huius vitæ, attendite, & videte, si est dolor similis sicut dolor

Christi

Christi nostri; si est virtus qualis virtus Christi nostri; si est obedientia, quæ hominis, Deiq; nostri obedientiam non dicam vincere, sed nec adæquare quidem possit. Sed quæ fuit cæna, in qua ipse etiam proditor accubuit; & in qua idem etiam ipse proditor ab ipsis sacratissimis manibus panem Angelorum, refectionemq; cælestem sumere non exhorruit? ô monstrum, & portentum hominis, qui tot bonis affectus, tot privilegijs cohonestatus de benè de se merito tam malè mereri non dubitavit. Obonum IESVM, qui ob oculos stantem inimicum, iniquissimumq; per tulit discipulum. Quid? eiusne minus, quam cæterorum pedes lauit, dum suæ charitatis, humilitatisq; specimen memorandum reliquit? quo tempore cum Pascha illud cum discipulis suis manducare desiderio desiderasse affirmauit, carissimam sibi mortem sic fore pro suorum salute declaravit. Quis vivens unquam vivis amicis comedendum se præbuit? & tamen certo scimus, non hic est corpus, sed hoc est corpus, illum pronun ciassse, ut sacramenti realitatem intelligeremus. O sacrum mysterium, in quo Christus sumitur, mens impletur gratia, & futuræ gloriæ nobis pignus datur. Est enim operatus in nobis dominus tam admirandum opus, ut nec capere intellectus, nec lingua exprimere illud queat. Etenim licet magnum, & admirabile opus illud fuerit, quod nostram induerit carnem: hoc tamen admirabilius cunctis omnino cæteris operibus est præferendum. nam in illo nostram assumpsit naturam, sed in hoc suam nobis largitus est divinitatem cum humanitate coniunctam; quinetiam, ut apud Augustinum legimus, non divinam hanc escam nos in nostram mutamus, sed ipsa potius in suam nos transmutat substantiam; unde Deiformis, & unius secum efficit naturæ, veluti ignis, qui ligni naturam in se trahit, & absumit, ita ut ipsum lignum in ignis naturam transmutet; quamquam nobiliori, & excellentiori modo hunc transmutationis effectum sanctissimum hoc operetur sacramentum. quia, scilicet nos & Dei templum constituit, & divinæ consortes efficit naturæ; nos (inquam) qui vile stercus eramus prius, & diaboli mancipia: unde Bernardus ait: aliud sequi IESVM: aliud tenere: aliud manducare. Sequi salubre consilium: tenere, & amplecti, gaudium solenne: manducare, vita beata. Veniat quæso dilectus meus in hortum suum, veniat & cælestibus nuptijs vino ebrius, plenus gratiæ, & veritatis, ex delitiosissimo patris sinu procedens, omnino delectabilis, & consolatorius, delitijs spiritualibus affluens, paratus amabili sponse suæ pacis osculum dare. ô quæ felicitas cum illo conuiuari, qui semetipsum largitur in cibum; qui cælum, terramq; implet gloria maiestatis suæ, & tractari tamen, & edi se patitur à nobis indignissimis terræ vermiculis. Aegros visitat: languentes solatur: lapsos erigit: desperatis animum addit: nutantes instruit: errantes reuocat: eficientes reficit: inflammat tepidos: in summa omnes curat infirmitates nostras, non peregrino quidem aliquo medicamento, sed pretioso corpore, & sanguine suo. O benignissime Domine, quid nobis amplius, ac fecisti, facere potuisses? Non ego quidem capere meo intellectu possum, potuisse te dignius, pretiosius, aut vilius nobis elargiri donum.

In Christum passum

donum. Siquidem totum in nos gratiæ tuæ effudisti thesaurū, sinumq; pariter cœlestium diuitiarum expandisti. Decens quippe fuit, vt qui per mortiferum lapsus fuerat cibum, idem ipse erigeretur per vitæ panem; vt quem ligni fructus occiderat; fructu ligni pariter vitæ redderetur. In illa siquidem arbore mortis esca; in hac vitæ medicina pependit. hæc enim victima singularis æterno ab interitu soluit animas: quæ nobis illam vnigeniti mortem reparat, qui licet surgens à mortuis, iam non moritur, & mors illi vltra non dominabitur: tamen in se ipso immortaliter, atque incorruptibiliter viuens pro nobis iterum in hoc mysterio sacre oblationis immolatur; eius quippe ibi corpus sumitur, eius caro in salutem populi diuiditur; eius sanguis, non iam in manibus infidelium, sed in ora fidelium funditur. Est enim panis sapidus, & cœleste manna deliciarum spiritualium plenum, in quo nihil est asperum, cum non sit hordeum veteris testamenti per Moyſis manus distributum, sed flos tritici, nempe gratiæ per Christum IESVM exhibitæ. In summa, in hoc dignissimo sacramento quicquid vel cogitari, vel exoptari potest, accipitur. Namq; verus Dei filius IESVS Christus sumitur, verus Deus, & verus homo; qui vnum est semper cum patre, & Spiritu sancto; quiq; quicquid virtutis, ac meriti in vita, & passione sua exercuit, & obtinuit, in hoc ipso congeſſit diuinissimo sacramento; de cuius nobilitate, ac dignitate plura dicenda essent, si modo & breuitatis studium, & institutum meum, à quo longius deflectere non est in animo, ad hortum me non reuocarent. En video procul, & à discipulis segregatum orantem, dirosq; corporis cruciatus auspicantem, largosq; sanguinis riuos sola meditatione sudantem, humum amplectentem, vt illam deferat supra cœlos. Quid precaris, mi IESV benedicte, transferri poculum amarissimæ passionis, si in ipso sanctissimæ, atque indiuiduæ Trinitatis consistorio passurum te, & moriturum ab æterno, patre stipulante, spondesti? Si cum hac ipsa Crucis lege carnem nostram assumpsisti? Deo quidem possibile esse omnia constat: verum transferri calicem, ipsius indiuiduæ Trinitatis decretum reddit impossibile. Hæc tu nosti patri coæternus, & coæqualis Deus: sed tanquam homo patre minor, ad eum cuncta referebas. Hincq; inefabili humilitate tuam ipsius parentis voluntati subdidisti; vt nos sic edoceres, cunctis in rebus Dei voluntati obsequi oportere. Patris verbum, quo vsus es in precatione, affectum cordis, negotij magnitudinem, carnis passionem significauit, sed tuæ voluntatis parentis voluntati subiectio, animi constantiam, humilitatis profunditatem, & charitatis in nos tuæ perseverantiam indicauit. Agonia, & in agonia oratio, sanguinisque sudor hominem, & supra hominem te esse probarunt, dolorumq; simul, & pœnarum acerbiter ostenderunt, vnde factum est, vt Angelica consolatione opus fuerit. Nam licet tibi Deo astiterint, & seruierint cunctæ Angelorum legiones semper, & incessanter, te tamen hominem Angelos solari decuit, qui patris pietatem testarentur, & reparationis humani generis vberriimos fructus magnificarent. At in oratione Angelus est consolator, non defensor, nec pater, nec ipse filius, nec Spiritus sanctus,

nec

nec Patriarchæ, nec Prophetæ, nec Apostoli. Tu cum esses patri ut Deus potestate non inferior, veluti si impar esses, patrem oras, & ter quidem priusquam Angelum ille ad te solandum mittat. Hem nos homunculi indignamur, si paululum quid morulae interponatur in nostris precibus exaudiendis. Pro nobis sæpe; pro te autem positis genibus in horto ter precatus es tantum. Tua precatione flecti se pater non est passus, cum illi vnicus filius esses, ut nostras, qui serui sumus, audiret propitius preces. Sed o fragilis natura hominum, ab oratione surgens, grauissimo soporatos somno discipulos inuenis. Vbi est illa Apostolorum constantia? vbi animi magnitudo? vbi commoriendi cum præceptore iactatio? Qui se mortem non vereri aiebant, in mortis Christi sui periculo, ne somnum quidem, qui mortis imago est, ab oculis propriis arcere possunt? Tu bone, tu pie eorum fers imbecillitatem, quos nisi gratiæ contactu expergefaceres, perpetuus grauatos lethargus occuparet. Verum surgere, & orare eos iubes, ne incidant in tentationem, neve animum despondeant: illi vero & officij obliti sui, & amoris tui, ter dormiunt, moxque fugiunt omnes, nec primum furentis turbæ sustinent conspectum. Ipse etiam prædilectus, & sanguine coniunctus, dimissa veste, teque deserto, in fugam dilapsus est; nec discipulorum coryphæus sistere gradum potuit. Nam licet alijs audacior gladium distinxerit, Pontificisque seruum fauciauere, fugit tamen, priorisque facinoris gloriam, turpi fuga mox sedauit. Ut autem, piissime IESU, discipulos à corporis somno exciuisi, sic & animam meam à peccati expergefacer somno, ut tecum euigilet, & non æternis inuoluatur tenebris. Sic ad illam effare, o benignissime. Surge eamus, quia ecce iam mors appropinquat, quæ te iam iam est apprehensura. Sed quo ibo, o mi Saluator? Non dicis vade, sed eamus, ideo te sequar ducem, ac reducem meum. quia vbi tu es, ibi felicitas, ibi omne bonum inest. Verum qui tremor? quæ imbecillitas hæc tua est? Tristis (ais) est anima mea usque ad mortem. Scio delicta mea, ingritudinemque meam, quam tu perspectam habuisti, tantæ ansam trepidationi præbuisse. O ineffabilis bonitas, o amor incomprehensibilis. omnium ferre peccata voluisti, qui solus eras absque peccato; & quia voluptate deliquimus, tu lethalibus voluisti scelera nostra cruciatibus expiare. Cum enim in te, qui splendor es paternæ gloriæ, veluti in purissimo speculo eluceant futura omnia, peccata mundi, tanquam si præsentia fuissent præuidisti; vnde tenerè viscera pietatis tuæ commota sunt, cum nostram miseriam, & infelicitatem doluisti. Ut enim ingenti cum dolore sæctum mater excludit, sic & tu inenarrabilibus tormentis, & cruciatibus nos in vitam æternam regenerasti. Nimirum ergo pauore, & tristitia cor tuum premi confessus es: nimirum pronus in multa spiritus angustia, sudore sanguineo perfusus, iacuisti; quasi à parente, & ab hominibus derelictus, non secus ac si flagitiosus, publicusque peccator esses, indignusque qui à patre audireris; cuius rei causa in te omnem patris iram exonerari passus es; licet horrendum habitum sit semper incidere in manus Dei. Age verò armorum, & sustium fragore accedunt milites, stulti quidem, cum

In Christum passum

cum ultro te offeras: stulti magis, in nocte per proditorem, cum quotidie in te imple solus docueris. verumtamen tempori factum responder; nemi-
pe tenebras tenebroso tempore tenebrosum opus patrare decuit. Sed
quo te nunc trahunt mitissimum agnum lupi rapaces? ubi est ille timor,
qui te paulo ante inuaserat? ubi gemitus illi graues? ubi mortis ingens
horror? qui dudum absentibus hostibus tristabar: qui sanguinem su-
horror? qui dudum absentibus hostibus tristabar: qui sanguinem su-
dabas præ angustia: qui imminentem passionem à patre transferri pre-
cabaris: nunc ab oculis stantes non vereris inimicos, nec times, nec tre-
pidas, sed animo inuicto, & intrepido corde ijs obuiam pergis. O dulcis
amator hominum IESV, quis amor, quisve tam ardens affectus cor
tuum absorbit, vt ad mortem veluti ad nuptias properares? hostibus
tanquam amicis occurreres? & calicem, quem dudum tantopere exhor-
tueras, ardenti desiderio festinus arripes? Perfectus amor quippe so-
ras mittit timorem; ideo non pepercisti tibi, sed te ipsum vicisti, & paren-
tis honorem ardentem sustinisti, factus obediens vsque ad mortem: & tan-
tquam gigas exultasti ad currendam viam salutis nostræ. Ecquem tanta
non moueat charitas? quem tantus non incendat affectus? Hoc amplius
à Iuda ingratisimo discipulo osculum sacri oris petente, amabilissi-
mam faciem tuam non auertisti: verum eidem osculum dari passus es
ab impurissimo omnium homine, à fœdissimo omnium ore, atque à
cunctorum spurcissimis labijs. quinetiam, vt illum in proprii erroris
agnitionem traheres, & ad pœnitentiam reuocares, amice admodum, ac
mellifluis allocutus es verbis, dicens. Amice, ad quid venisti? quasi dice-
res: Itane de te meritis sum Iuda? an oblitus es humilitatis, & chari-
tatis meæ, qui curuaui ante te genua mea, pedes tuos laui, & osculatus
sum; hoc in super, sacro corpore, & sanguine meo refeci te? num trigin-
ta argenteis me vilior habes? quid fuit in causa, cur à me deficeres?
an ne quod te Apostolatus dignitate insigniuerim, veluti charissimum fi-
lium studiosè enutriuerim, & tanquam dilectissimum sollicitissime in-
stituerim? Redi, redi ad te ipsum, & pœnitentiam age, quia multus sum
ad ignoscendum Deus; qui nolo mortem peccatoris, sed magis vt con-
uertatur, & viuat. Obone IESV, quis iam se à lacrymis temperare po-
terit? ille quippe ferreo est animo, & omni silice durior, qui vocibus
tam pijs non commouetur: qui tam blandis sermonibus non frangitur.
Diaboli filius erit profecto, qui de misericordia Dei deinceps desperaue-
rit. Si enim proditorem, inimicum, infidum, & omnis generis flagitijs
coinquinatum amplecteris, charius multo, & amariius affectas, amicos, fi-
deles, ac iustos amplexaberis. Verum tam dulcis, tamq; suauis es, vt nec
hostibus scias quidem quicquam præter amorem, & dilectionem impen-
dere. Siquidem proditorem oscularis: amicum appellas: abscissam sa-
nas auriculam: pro inimicis, & pro crucifixoribus deprecaris. Sed quàm
grauiter tuleris domine à discipulo tuo tradi, tuus olim vates ante præ-
dixit his verbis: Si inimicus meus male dixisset mihi, sustinuissem utiq;.
Etenim homo pacis meæ, amicus, & discipulus meus, in quo speraui, qui
edebat panes meos, magnificauit super me supplantationem, & vili me
pretio

pretio vendidit, & tradidit in mortem. Nunc oro te Domine, ne me commoueri inter inimicorum meorum iniurias patiaris, sed doceas imitari bonitatem tuam, qui proditorem excipis, deoscularis, & amicum appellas; qui facis oriri Solem tuum super bonos, & malos, & pluis super iustos, & iniustos; vt sic & ego forti animo iniurias feram, inimicos diligam, oremq; pro ijs, qui me persequuntur, & calumniantur. Ne, quæso, me arguas dicens: Amice ad quid venisti? quasi dixeris, de limo terræ formauit te: super opera manuum mearum te constitui, & omnia subieci sub pedibus tuis; creauit te ad imaginem, & similitudinem meam, vt esses mei contemplator, & legem meam custodires, tolleres Crucem tuam, & venires post me: tu autem ad quid venisti? qui irasceris, superbis, congregas, inuides, carni indulges, & gutturi, lasciuendo, & ingurgitando; qui torpes, nec spinosi capitis te indignum membrum esse agnoscis, nempe delicatum membrum, putas adhuc sedem in cælo paratam tibi? Non tanti vendo gloriam meam, quam inestimabili sanguinis mei pretio comparauit. ideo mi Domine, non hic sensus verborum tuorum sit in me, sed dicas potius: Amice, ad quid venisti? hoc est, tantisne credidisti frui bonis? quia in paucis fuisti fidelis, supra multa te constituam, intra in gaudium Domini tui, vt gaudium tuum plenum sit, nec quisquam illud à te tollat vnquam. Non enim oculus vidit, nec auris audiuit, nec in cor hominis ascenderunt, quæ ego præparauit diligentibus me. Sed iam contactu solo sanatam auriculam video, audentisq; animum simul retusum audio, dum inimicos nequicquam lenis, & tuam diuinitatem ostendis, simulque discipuli audaciam infallibilis sententiæ metu comprimis, & refrenas. Abscissa quippe Synagogæ auricula, quæ non audit verbum, sed sua in duritie persistit. Sanas illum, vt quantum in te est, audiat, salueturq; etiam Iudæus. Porro quis bonitatem hic non miretur tuam? quis non deitatem notet? siquidem inimicos sanas, medicinam non adhibes præter illam, quæ manat ab ipso perenni diuinitatis fonte. Quod si hostium mederis vulneribus, cur ego miser piissimam reformidabo faciem tuam? cur non diris serpentum moribus ægram, sauciatamq; animam meam iam moribundam piissimi Pelicani mei cruore curatam, conualitutam sperem? Iam adsunt, qui te apprehendant: confluunt turbæ: vrgent ministri: impellunt milites: stringunt funes: trahunt carnifices. Alij fremunt in te dentibus: alij conuicijs exagitare non desistunt. Calce hic percutit, ille pugno, nec est, qui tui misereatur quisquam. Quod miseri immaculatum trahitis agnum? qui furor? quæ rabies? quæ crudelitas? quid admisit? quid errauit? in quo peccauit? In horam vsque sextam ingenti configis bello mitissime IESV; vnde intrauerunt aque vsque ad animam tuam; & circumdederunt te canes multi, consiliumq; malignantium obsedit te; exacuerunt linguas suas tanquàm gladios. Sed perge, his quidem verum fateris te hominem: sed verum etiam Deum probas, cum solo verbo insultantes reijcis, supinosq; deijcis; tuorum verò incolumitatem ab hoste petis. O miram charitatem, qui te

C

negligis,



In Christum passum

In Christum pauperem
negligis, amicos saluas : qui te exhibes, tuos abscondis . iam verò d' cohors
militem , & d' ministri principum , & phariseorum , vbi est terror ille ar-
morum ? vbi insultantium audacia , si vox sola vnus dicentis : Ego sum ,
tantam turbam , odijs , armisque ferocem , ac terribilem , sine telo potuit
repellere , percutere , sternere ? sed si iudicandus hæc agit , quid iudicatu-
rus faciet ? nimirum , quia latebat Deus in carne , sempiternusque dies sic
membris occultabatur humanis , vt laternis , & facibus quæreretur oc-
cidendus à tenebris , & vt eum illi sæuendo quærebant , vt occiderent , sic
& ipse mitissimus nos ipsos quærebat moriendo . Ducite iam innocen-
tem scelestissimi balatrones ad impura subsellia . quid opus est falsis te-
stibus ? quid quæritis mendacia . Farebitur quidem se Dei filium , sed
& non item suam conqueretur iniuriam . Tanquàm furdus non audiet , &
tanquàm mutus tacebit ; eritque vt homo non audiens , & non habens
in ore suo redargutiones . Vinciri funibus patietur corpus suum , vt sol-
uantur nexibus peccatorum religatae animae nostrae . Nec mirum , cum
ligari etiam iuste irasuae manus permittat , vel vnico pectoris gemitu , &
cordis suspirio . Sed quæ fuerit capientium rabies hinc coniectare licet,
quod nulla valens euangelista depromere verba ad explicandum apra ,
fecerunt , inquit , in eum quod voluerunt . quasi dixerit : quæsierant
diu , sicutuerant illius sanguinem , in necem conspirauerant , mortuo non
parceret , quid viuo ? quid in ipso impetu primo ? quia supinos verbo de-
percerat , supinum , moxque & resupinum ad terram deiectum pugnis , cal-
cebusque incessisse credendum est . quinetiam tot in eius faciem egesta-
fuisse phlegmata doctores testantur , vt parum abfuerit , quin halitu in-
tercluso suffocatus expiraret ; id quod haud dubie contigisset , si modo
diuinitatis potentia seruatus non fuisset . Videor mihi videre beatos spi-
ritus , dum caperis , & contereris , o bone IESV , pro te deprecantes ,
caelorum virtutes se commouentes . Ego verò (o me miserum) cuius
causa pateris , vix commoueor , vix lacrymulam effundo . Nec satis per-
pendo maius mihi ex captura , & morte tua , quam ex natiuitate iniectum
obligationis vinculum , quemadmodum maioris mortis , quam natiuitatis
meritum tuum fuit . Siquidem natus inter pietissimæ matris vlnas eras ;
captus verò inter duras ferocientium inimicorum manus iaces . tunc
tanquàm Deus , & homo à Magis , & pastoribus adorabaris : nunc autem
vt latro captus illuderis , & percuteris . Ibi regia offerebantur munera :
hic verò blasphemiae ingeruntur , conuicia , etiam verbera . Ah manus
impia , quid Dominum meum cedis ? Quid diuinam percutis faciem ?
illam (inquam) faciem , in quam desiderant Angeli prospicere : illam ,
quam Abraam videre cupiuit : illam , quam Dauid summis precibus sibi
ostendi efflagitauit : illius faciem , qui Lunam lumine , Solem ardore ,
caelos motu , mundum vicissitudine rerum ordinata indefinenter ornat :
illius denique , qui cunctis rebus inanimis esse , vitam verò animantibus
inspirat . Quid agitis o supernæ virtutes ? inultam ne abire hanc iniu-
riam diu permittetis ? An ne fulmina desunt ætheri ? lapides , & hiatus
terræ ? vertices , & profunditates aquis ? incendia igni ? Obruite elemen-

ta hunc nephandissimum hominem, hunc hunc concussantes certatim, perditæ creaturæ omnes. Hem benignus est Dominus, qui non patitur fruire vos in sequentem seruum: verum hunc ipsum humaniter corripit, petiq; vt in quo erratum sit dicat, vel admissi pœniteat flagitij. qui enim verbo nos docuit, vt percutienti alteram præberemus genam, ipse id ipsum in semetipso firmavit exemplo. O miram patientiam, o ineffabilem humilitatem, o inexhaustam charitatem. Quid superbis? quid irasceris? quid maledicis? quid vlsceris etiam minimas iniurias o homo, si Deus tuus, cum posset mille millibus Angelorum vlscisci, pati maluit, quam propulsare iniuriam? Ducitur, traducitur, reducitur, trahitur, impellitur, percutitur, illuditur Dominus meus à militibus, à turbis, à iudicibus, & quem tangere dudum omnes expetebant, quia virtus de illo exibat, & sanabat omnes: nunc veluti exitiale virus refugiunt, & detestantur cuncti. Sed o scelestissime Caipha quid tu vestimenta scindis? quid Dominum tuum proscindis? Abscinde à corde concinnatos dolos, ab anima tua flagitia. Iam asinam quoque alias æmulatum te fuisse memini, cum, quæ minimè intelligeres, prophetasti. neque enim sciens pronuntiabas futura, sed Pontificatus tui dignitas fœtidi oris vsa est ministerio, cum vel nolens, vera prædiceres; & qui communem tunc aliorum salutem præcineres, tuam ipsius damnationem pronuntiassse non aghouisti. Sed scindis tu sacerdotalem vestem: Herodes verò CHRISTVM sacerdotali induit veste. Ipse quoque Herodes, qui vocem, hoc est Ioannem Baptistam peremerat, verbum, hoc est CHRISTVM IESVM audire non meretur. & signa quærens, & non videns ab eo fieri (qui tamen non alia ratione accusabatur, quam quod signa, & miracula patrauisset multa) cum exercitum illum spernit suo, & ad Pilatum remittit vestem indutum alba, qua dementiam hominis significare credens, vitæ innocentiam, castitatis albedinem, candorem animi, mentis puritatem, & diuinitatis indicat serenitatem. quinetiam fatetur eo vestimenti genere se innocentem infantem olim fuisse persecutum. quemadmodum & Pilatus purpurea illum induens veste, derisionis gratia, exautoratum se, ipsiusque Domini dīgnitatem suæ dignitati anteferebam, vel nolens, confessus est. Hinc turpis illa reconciliationis occasio, hinc Principum scelestissimorum in necem Domini conspiratio: Sed meritò Dñs alba indutus veste recedit. quia cum patris sit sapientia, in qua creata sunt omnia, vestem candidam induit, vt stultam faceret sapientiam huius mundi, vtque sapientiam suam diuinitus infusam teget, ne ab improbis agnosceretur in mundi huius prudentia, & sublimitate, sed in humilitate magis, & in simplicitate à probis, & electis: Et iure quidem nuptialem induit vestem ad patrem iturus ad cœleste conuiuium. Iam Pilatus interrogat stantem, & modo respondentis, modo tacentis miratur prudentiam, & constantiam; tamen dimittendi, damnandique totam sibi arrogat potestatem; quam tamen à superis intelligit defluxisse sedibus; vnde coniugis visa somniorum, & monita voluens animo, soluere vinculum, & dimittere cogitauit innocentem. Interea gallus gallinaceus post alarum

In Christum passum

plausum cantu Petrum admonet, vt negationis poeniteat, eumque intus Dominus solo obtutu tacitus ad animum reuocat. Is verò è Prætorio egressus, desertamare. O Petre, vbi est illa efferuescentis animi magnitudo? vbi est illa mortis contemptio? vbi illa ferendi insultantes alacritas? sicine Dominum deseris? vilisque ancillulæ metu magistrum, negas nosce tuum? Bene tecum actum est, quem respiciens Dominus, in proprij erroris agnitionem induxit, quemque nisi pius inspexisset, oculus, par forsitan cum Iuda fors manebat. Sed quia nimium de te ipso præsumperas, iactando te paratum esse in carcerem, & in mortem, sicque cognosceres non esse superbiendam, sed humiliter agendum. Cuncta enim Domino præsentem audes: sed eo absente, confestim cadis. Vtiliter tamen id factum est, vt per humiliationem disceres iustificationem Dei, compatererisque labentibus, nec septies tantum dimitteres, sed & septuagies septies. Sed o beatum hominem, qui admissam culpam lacrymis abluere potuisti. Ipse enim diuinus oculorum radius vt primum cordis nubila penetraui, tantum exciuit lacrymarum profluum, quantum expiandæ culpæ fatum fuit. Vix dum enim gallus canendi finem fecerat, cum ipse ab vrbe excedens, in obscurum te condidit antrum, vbi orando, lugendo, pernoctando, esuriendo, sitiendo, teque ipsum macerando, delituisti, quamdiu admissi criminis te veniam promeruisse intellexisti. Hic te I E S V M meum rogatum, exoratumque velim, vt quemadmodum Petrum, qui te negauerat, in passione non deseruisti; verum respexisti, iuuiisti, & confirmasti, ita in animam meam, quæ toties factis, & peccatis multis maiestatem offendit tuam, misericordiæ tuæ oculorum aciem intendas, vt quantum expedit edocta, fletu, ac prece pietatis, iustificationisque tuæ donata, consecutam se fuisse cognoscat. Vtinam pius me tuus respiciat oculus, quem procax ancilla carnis meæ, non semel, sed sæpius in negationem attraxit. Age verò tu, mi Domine, qui à discipulis derelictus, solus remanseris, iussu Præsidis, marmoreæ religatus columna, flagris indefinenter cederis. Ah crudeles ministri iudicis atrocissimi, me me cadere, qui peccaui, non hunc, qui peccatum non fecit, nec dolus inuentus est in ore eius. Quid emendandum? quid corrigendum in eo offendistis? quia se filium Dei esse non negauit? si negasset, similis vobis fuisset mendax. Non ne etiam ipse regius Propheta ait, Dij estis, & filij excelsi omnes? & scriptura alibi. Et ingressi filij Dei ad filias hominum. Quæ itaque est hæc blasphemia? Desinite iam sœuire in innocentem hominem. Satis enim sua laborat inopia; ne addatis afflictionem afflicto. Et si vos feræ impellit natura, si immitis animus, si mores barbari, si inimica concitat rabies, satis iam satis vestrum euomuiſtis virus; hucusque in vos Dei vltionem prouocasse sufficiat. Desinite, desinite quæſo frangere delicata membra, tenerum lacerare corpus, innocentes dilaniare carnes. Emendari iussit Prætor, non enecari; cædi. & non occidi. O crudeles, o impij, o inexorabiles. Quæ vos cautes genuere? quæ leonæ lactauerunt? qui Scythæ nutriuerunt? Adhuc finem non facitis? Manus fessæ, volun-

tas adhuc indefessa? videor videre vos in hoc solum incumbentes, vt nullum crudelitatis genus vterius indices, ac pontifices desiderare queant. O bone IESV, o pientissime IESV, tanquam agnus coram tonante te obmutescis, & non aperis os tuum. Agnus verè sine macula olim: nunc autem quasi leprosus, & percussus à Deo. Qui speciosus eras forma præ filiis hominum, nunc tibi nulla est species, neque decor. quamquam de specie tua aliter quidam sentiant, dicens. Non quia forma eius decore lactei coloris eluxit, aut flauo crine coruscavit, aut insigni statura præeminuit: sed veraciter humano genere pulchrior fuit, quia peccati labe nulla infectus fuit; quamuis pater Augustinus speciem decoris eius fuisse dicat laudabilem. hæc ille, nunc ego cum Prophetia dicam: à planta pedis vsque ad verticem capitis non est in te sanitas. verè vir dolorum, & sciens infirmitatem; qui dolores nostros tollis, & portas langores nostros, vt nos lati, & sani ad te veniamus. Tu phar-maca sumis; & nos ægritudine liberamur. Tu amarum ebibis poculum: nos dulci inebriamur vino. O vinam flagella hæc tua, salutem afferant animæ meæ. O vinam calix hic tuus amarissimus, dulcissimam mihi propinet veniam. Seruat in hanc vsque diem columna cruoris vestigia, magis quidem pia, quam ministri, quorum animos nec oris elegantia, nec verborum suauitas, nec tenere carnis dilaniatio, nec demum cunctarum coaceruatio miseriarum flectere potuerunt. Verum quemadmodum illi feris omnibus crudeliore extitere, sic tu mi Domine columna constantior fuisti; defeceruntque illi prius verberando carnifices, quam tu patiendo deficeres. In ipsa colligatione ad columnam funes à carnibus opertas ferunt; vsque adeo strictè ligatus est. quinetiam ab vnguibz erupisse sanguinem doctores primi nominis testati sunt. Sed ligata quidem caro, non spiritus; humanitas, non diuinitas. Hoc amplius perhibet diuus Bonauentura magnæ authoritatis, & sanctitatis vir, plusquam quinque millia vulnerum ad columnam Dominum accepisse; ita quidem, vt sicuti nunquam ego peccando satur euasi, ita Dominus meus flagellis non est saturatus vnquam. Alij asseuerant nihil sanum, nihil integrum in illius mansisse corpore; & tamen integrum, & indistractum in eo perseverasse maiora patiendi affectum. Etenim tortorum flagella, totum illius sacratissimum corpus dilacerauerant: verum amor cor eius in patientia seruabat illasum. Vbertim sanguis eius ad peccatores defluebat, spiritus verò ad patrem erigebatur in cælum. Peccatorum ictibus sacrum subiacebat corpus, preces verò cordis per ministros Angelos ad patrem in cœlestia ferebantur. Vulneratus est Dei filius in corpore suo, vt salutem homines in animabus reciperarent. Sanguinem emisit ex omnibus membris, vt eundem ipsum ceu pretiosissimum balsamum, in nostra effunderet vulnera. Diruptum vas est, & misericordiæ oleum diffusum est in vniuersam terram. Corporis sui tunicam roseo tingi colore voluit, vt nos ceu sponsus singulari decore conspicuus ad suum promoueret amorem. A proprio derelictus est in passione parente, vt nos ab eo reciperemur in gratiam. quid plura? nihil in omni eius corporis parte

In Christum passum

parte integrum manere voluit, vt nihil casum, nihil sedum, nihil non integrum in nostris animabus offendi posset. Nunc hora est, vt solutus columna, illudaris à militibus sedens, mi Domine. Indutum purpura, coronatum spinis, contusum arundinibus salutant vt Regem. flectunt genua: derident: ludibrio habent. Purpurea vestis est hæc, quam primus homo de terra rubea formatus induerat. nouam quidem, & immaculatam à Deo contextam: sed ab ipso detritam, scdatamque. Vestem quidem rubeam, idest carnem nostram induit CHRISTVS, sed puram tamen, & sine macula, quam concerpendam, lacerandamque Iudæis tradidit, vt nos veteri exuta, nouam indueremus innocentie vestem, ambularemusque in nouitate spiritus, & immaculati essemus in seruitio Dei. Verè deserta erat vinea Domini, omnino sterilis, non nisi labruscis referta, quam Deus plantauerat, Prophetæ coluerant, illa verò fructum non reddidit vllum nisi spinas acerrimas, quibus Dominum coronaret suum. Tu, qui filijs hominum speciosior eras, nunc purulentis sputis os tuum occupantibus, sanguine rorantibus crinibus, & colaphis contusa cute, nihil præterquam scditatem, liuorem, maciem, & qualem ostentas. Non est, qui te agnoscat; non est, qui tui misereatur quisquam. Sed conspui voluisti, vt nos lauares; velari, vt velamen culpæ, & ignorantie à cordibus nostris auferres: in capite percuti, vt caput nostrum, idest Adam sanitati restitueres: colaphis cædi, & verbis derideri, vt nos tibi labijs, & manibus, hoc est verbis, & operibus applauderemus. Ego verò, qui probra mea super te cecidisse video, & peccasse doleo, & peccati me pœnitet mei. Respice, & amputa opprobrium meum. Si te inspexerit pater, mei miserebitur certè, quia mei causa tu passus es. En radiantes velant oculos, qui corda intuentur hominum: qui scrutantur renes: quibus nuda, & aperta sunt omnia. Falluntur verò scurræ, insigneque carnifices, qui cuncta peruidens visum velo se putant impedire posse, ne eorum cernantur scelera. tollant ab oculis suis obscurius ignorantie suæ velum, & tunc agnoscent, non esse velo tegendam Dominicam faciem. Ego verò velari se passum crediderim, vt indicaret mihi conuiuere paratum se esse, si me flagitiorum meorum pœniteat. Sed tamen ludunt, colludunt, modo hic, modo ille alapas incutiunt, donec obturgescat, extubereque totum continuis ictibus lancinatum caput. Hinc diuinari alter postulat, quis percusserit, illinc deridet alter tacentem, & patientem. Conscindunt sibilis, iocantur, cachinantur, diçterijs, & caullis illudunt. O summam Dei patientiam, o iniquorum æternis ignibus retundendam petulantiam. Quis edocuit mimus? quis ludio instruxit? quis demon impulit? Verè tota CHRISTI vita in terris per hominem, quem gessit, disciplina morum fuit. Omnia quippe mundi bona contempsit, quæ contemnenda docuit: & omnia mala sustinuit, quæ sustinenda præcepit, vt nec in illis quæreretur felicitas, nec in istis timeretur infelicitas. Educite iam delusum, derisum, & discerptum satis. Euocat Præses: morantes compellat: Fremit populus, & tarditatem incusat vestram. En venit IESVS, sistitur contusus, pertususque totus: nigricant genæ: rigent oculi:

oculi: turgent labia: tumescunt nares: frons squalet rugis exarata, totaque spinis perforata commadet: non est in summa, miserum qui fateatur nouisse hominem. Tunc Pilatus. Ecce (inquit) homo, quod videt, videntibus inspectandum ostendit; non enim diuinitatis capaces fuere aut is, aut illi; ideo non dicit ecce Deus, sed ecce homo; & tamen vel nolens Deum significauit. quasi diceret, si hic non esset homo, non saluaretur homo: si Deus non induisset hominem, homo non assequeretur Deum. quasi etiam diceret mundo, vt agnosceret ex tormentis hominem, quem ex operibus, ac miraculis Deum probari conspexerat. Nullum enim vnquam maioribus excruciatum fuisse pœnis cognouimus; ideoque fieri non posse, vt homo non sit, qui tot cruciamentis subderetur; hinc inferens, tempus iam esse vt quiesceret sanguinaria Iudæorum fitis, desinerentque persequi hominem innocentem, quem dirè, & præter conscientiam cælum, castigatumque conspiciebant. Nullus enim inuentus est vnquam ex hominibus omnium, quos terra sustinet, sceleratissimis, qui tam indignis habitus fuerit modis, vt hic iustus homo tractatus est. Si odistis, quod Regem se esse dixerat parcite, cum iam omnium miserrimum hunc esse videatis. Si peccasse is cuipiam videri posset, ecce homo, caro, sanguis, & cognatus vester. Hoc planè verbo & eius significatur humanitas, & nostra excitatur miseratio. Porro horum Pilati verborum sensus multiplex esse potest, veluti si ab ore Dei procedere opinetur: En summi amoris in te mei testimonium, cum vnigenitum meum totum tibi, & pro te tradiderim. Non enim tanti illum feci, quin tuam salutem eius vitæ anteponerem; quin etiam, si quid altius, aut pretiosius mente concipere potuisssem, id ipsum quoque donare tibi non dubitasssem. iccirco quemadmodum me totum, & indiuisum tradidi tibi, ita & tu te totum redde mihi. Nosce tu te ipsum, hominem scilicet, & peccatorem, dicasque mihi: Ecce homo, quasi dixeris; homo sum, fragilis, miser, ineptus, conceptus in peccatis, natus in miseris, enutritus in vitijs; ideo non intres mecum in iudicium. quia si iniquitates obseruaueris, nullus profectò sustinebit. Noli indignari aduersus solum, quod vento rapitur. nunquid absumere me vis peccatis meis? he, quaeso, auxilium gratiæ tuæ à me subtrahas, sed ignosce mihi. quia victus iam sum, meque totum tibi dedo. Quod si ad filium ea verba, referre volueris, tunc dicere eum arbitreris. Viden quid fecerim tibi? creauit te ad imaginem, & similitudinem meam, totam pulchram, totamque formosam, & licet, omni ablegata ratione, à creatore ad creaturas te auerteris, ego nihilominus te ipsum amare non desij; verùm in amorem vsque adeo exarsituum, vt naturam ipse ego tuam assumere non dubitauerim; vnde factus sum caro, & sanguis tuus, vt te redimerem, fieresque mecum vnus, atque idem spiritus diuinitatem spirans. Ego, qui ante secula fruebar delicijs diuinitatis meæ cum ipso parente meo, & cum sancto Spiritu, nulla re indigens, mortalitatem tuam assumere non sum veritus. triginta tres, & eo amplius annos in terris vnà tecum conuersatus sum, & ceu seruus

tuus

In Christum passum

tuus in multa paupertate, humilitate, labore & afflictione operatus sum salutem tuam; nec veluti exul modo à regno meo, verum & quasi hostis patris mei, ab eoque crudeli castigatione correctus, concepta iustissime in te ira in me ipsum causam sumere non abhorruì, vt tu gratiam, & misericordiam consequeris. hoc amplius, infamem pro te mortem, post summos exhaustos labores, subire non recusauì; immo verò in Cruce sanguinem totum in tui redemptionem profudi. Aspice vestem meam detritam, & fordidam, spinosum diadema, arundineum sceptrum, cruenta vulnera: discerpta membra: corpus totum squalore, sanguinis distillatione, & frigoris vi concretum, & horridum. Si de facie vulneris, non vtiq; me poteris agnoscere, quia tumida est tota, vnguium aduncitate discerpta, phlegmatibus sorda, sanguine, cerebroque simul mistis fordidata. Quid amplius facere potui, ac feci? Hinc discè, num te amauerim, qui tui causa me ipsum contempsi, & odio habui. quæ tu naturæ sequendo oblectamenta malè meritis es, ego tanta pœnarum acerbitate, & amaritudine dilui, pretiosæ quæ te laui sanguine ab omni macula vitiorum, vt nitidus, & emundatus gratus fieres, & acceptus mihi. itaque ecce homo, hoc est, memor sis amoris, passionisquæ meæ, vt discas deinceps deuitare peccata: maiestatem non lædere meam: & tanta, quæ in te contuli dona, non contemnere. Non est dolor, sicut quo crucior: ad te clamo, qui pro te morior: vide pœnas, quibus afficior: vide clausos, quibus confodior: cum sit dolor tantus exterior: interior est planctus grauior, cum te tam ingratum experior. Ad hæc & ego, ô mi dulcissime IESV, eisdem verbis respondebo. Ecce homo, non enim spiritus sum, sed caro: non Angelus, sed homo. ideo fragilis, ideo peccator. Si peccauerunt Angeli, quid mirum, si & ego immundus sim, in delectatione conceptus, natus in peccatis, & enutritus in vitij? Noli Domine irasci contra seruum tuum, & ne perdas opus manuum tuarum. Quid sum ego, vt in me irascatur furor tuus? vita mea in star habet fummi, venti, vaporisquæ euectigio transennantis. Quare ostendis potentiam tuam aduersus folium, quod vento disperditur, ac dissipatur? si mane me quæsieris, non inuenies, quia bulla sum, & non homo, cinis, vermis, fecis saccus, putredo, & ipso foetidior sterco: e. Purum quidem, nitidumque formasti me, vt seruirem, laudes dicerem, & benedicerem tibi. Sed, heu me miserum, quia peccaui tibi, totus inutilis, totus corruptus, & abominabilis factus sum in peccatis meis: tu verò non adeo attendas malum meum, ut obliuiscaris bonum tuum; & si commisi ego, unde me damnare potes: non amisi tu, unde saluare soles. Scio enim, quòd non uis mortem peccatoris, sed magis ut conuertatur, & uiuat. Longa ego peccandi consuetudine gratiæ incapacem me ipsum reddidi: uerum quia potens es ex lapide suscitare filium Abraham, ideo digneris, quod mea destruxit malitia, tua reformare pietate. Iam uerò plebs clamat magnis uocibus, tolli, & crucifigi Dominum. qui Scythæ? qui Garamantes? qui feri? qui barbari? qui immites? qui inhumani lacrymas continerent? qui tantis non commouerentur malis? qui omnium miserrimo non compaterentur? & ta-

men,

men, quæ Deum dudum credidit plebs clamans, benedicensque ei, qui venerat in nomine Domini: nunc eadem inconstans, & à pontificibus concitata, tolli, crucifigi que eundem clamat, quem hominem Pilatus esse asserit. Oleus, ò infida, ò volubilis vulgi inconstantia. ite nunc mortales, vestrasque cogitationes plebis mobilitati committite, spes vestras in multitudinis gratia sistite. Dimitti grassatorem sibi, insignemque furem Barabam, qui propter seditionem ab eo in vrbe concitatam carceribus mancipatus fuerat; crucifigi autem innocentem magnis contendit vocibus. Sic dimitti petit latronem, crucifigi Saluatorem; non vult Saluatorem, sed interfectorem, non datorem vitæ, sed ademptorem. His vero permotus Præses, cor polluit, & manus lauat: innocentiam proficitur, & iniquitatem pronunciat. Non enim quod sentit, profert, sed quam dicat vox populi, sententiam promulgat. O perfidum, & profligatum iudicem. plebem magis, quam conscientiam sequeris? Cæsaris, quam Dei magis vltionem times? Hem iustum dicis, at damnas tamen. quæ finem dabis; & cuius innocentiam nihil pendisti, iustitiam quam occideris. carnes enim tuas non modo scaturientes edent vermes, sed ipse mordicus tua discerpes membra. Vos, qui sententiam sic ferri postulastis, & sanguinem innocentem super vos, & filios vestros imprecari estis, vitam filij Dei triginta nummis estis commercati, paulo post gregatim plures vno nummo venum ibitis, captiui abripiemini, & brutorum animalium more, Deo ita volente, ferienti iugulos præbebitis. Euertetur gentium ibitis: sine lege eritis: absque prophetis, & sine sacerdotibus: ludibrioque eritis cunctis hominibus. O miseri, ò infelices, qui CHRISTVM, qui vos vngeret, reiecistis, & Cæsarem, qui vos cæderet, sequi maluistis. Iam magni ponderis pedum quindecim parata crux est: iam sacris imponitur humeris, ijs (inquam) humeris, qui nihil, præter sarcinas nostras, deferre consueverunt. non erat quippe lucerna ponenda sub modio, sed super candelabrum. nil ergo mirum si candelabrum sibi desert. Incessus grauis est, & lentus, siquidem dorso iniecta crux corpus fatigat nimia gravitate: stringunt funes collum, & manus: veprium punção, & flagellis hauito sanguine, iam flaccescunt vires: prospectum impedit in oculos fluens cruor, ita ut vix ubi pedem ponat, intueri homo hic noster possit. Ille patiens, nec gemens quidem animum addit sibi, dorsum incuruat, inde quantum potest, attollit se, ut alacriter pondus deferat, quod nec ipsis latronibus contigit, quasi is illis scelorum atrocitate superaret. Sed heu misera succubisset humanitas, cum ad vrbis portam alterum flectere genu coactus est, nisi alterum diuinitatis genu cadentem erexisset Dominum. Importabile quippe humanitati fuisset nostrarum iniquitatum pondus, si modo vis ipsa diuina non affuisset. Hinc licet ediscere, non pati Deum nos tentari supra id, quod possumus, sed adesse eum semper, & nobis præsto esse, ut cadentes sustineat, & iacentes erigat. Hoc etiam loco notanda sunt Euangelistæ verba, dum ait: Et baiulans sibi crucem,

D

quasi

In Christum passum

quasi dixerit, baiulum se vocari non dedignatum Dominum, quod nostras deferret sarcinas; vnde Augustinus dicit: crucem, vt in ea gloriemur, Dominus suo gestans humero pro virga regni nobis commendauit, quod est grande ludibrium impijs: & vnde mundi philosophus erubuit, ibi Apostolus thesaurum reperit: quod illi visum est stultitia, Apostolo factum est sapientia, & gloria. Grande spectaculum, sed si spectat impietas, grande ludibrium, si pietas, grande mysterium. Si spectet impietas, videt Regem pro virga regni, lignum portare sui supplicij: si pietas, videt Regem barulantem lignum ad semetipsum figendum, quod fixurus erat etiam in frontibus Regum: in eo spernendus oculis impiorum, in quo erant gloriæ in repositura corda sanctorum, iam filius Dei ad mortem ducitur, qui vera est palma victoriæ: spinis coronatus, qui peccatorum spinas venit confringere: ligatus, qui soluit compeditos: moxque ligno suspendetur, qui erigit elisos: aceto potabitur fons vitæ: disciplina cædetur; salus vulnerabitur: vita morietur: occidet ad tempus mors ipsa vitam, vt mors in perpetuum occidatur à vita. En pia, inter tot impios, occurrit mulier, quæ labores, sudoresque misera, sudariolum offert, & proprijs manibus sanguinem, sudoremque terget: volens, ipsam Domini effigiem impressam contrahit. Non frontis serenitatem, non oculorum viuacitatem, non oris venustatem inspectare licet, non rutilas comas ex humeris cadentes, non bifurcatam barbam, nuncis auellana præmaturæ colorem æmulantem fas est intueri: sed horridam tantum faciem, squalentem barbam, & concretos sanguine crines cernere datum est, vt quos pro nobis pertulit labores, quas iniurias perpeffus est, hinc discere possimus. Non hæc enim effigies illa est, quam pater impressit, sed illa, quam deformarunt peccata nostra. O nos miseros, quibus non nisi turpitudines nostras iræ Dei prouocatrices aspicere permissum est: & o beatos, vim pro nobis interpellent apud Deum patrem, quas pro nobis sustinuit filius passiones: neque nobis exprobrentur iniuriæ, quas nos intulimus ingratis ferui. Interea dum agitur, & vexatur Dominus meus, res vniuersa ad matris aures apportata est, non vestem componit: non comam ornat: non faciem lauat. accurrit, & filio occurrit in bivio, filio (inquam) qui deiecto vultu, oculisque solo defixis, tanquam magni flagitij reus procedebat. Hunc intuetur, hunc demiratur, & in huius solius contemplatione, & oculos, & animum intendit. Qualis autem primo obtutu fuerit vtriusque dolor, nemo sane exequi istud verbis possit; cum eam mutui amoris, quo sese inuicem diligebant, abundantiam nemo hominum vnquam expertus fuerit. Licet enim in Apostolis fides titubauerit, & refrixerit charitas, spes vacillauerit, & timor oues disperferit; in MARIA tamen viuida, constantes, integræque mansere virtutes omnes: ita vt nec dubitare quidem potuerit, quin IESVS Dei filius esset; vtpotè quem nullo viri contractu ex sancto se spiritu nouerat concepisse. Videres gementem, attollentem manus, cælum suspicientem, atque imo ex pectore suspiria ingeminantem, non quidem casum dolentem, cum Dei voluntatem iam perspectam

Etiam haberet, & redemptionem fieri humani generis non ignoraret, cuius rei causa, non filium modo corporaliter, sed spiritualiter se simul crucifigi forti animo consentiebat. verum se ab eo seiungi, ab eius dulcissimo conspectu separari, & à gratissima consuetudine distrahi, vix pati poterat. tantus erat maternus affectus, tanta ex amabilis filij fruitione delectatio emanabat. cum enim esset is elegantissimus forma præ filiis hominum, haberetque verba vitæ, qui & illam præ cunctis elegerat sceminis, amauerat, extulerat, & beatam effecerat, non poterat non illum amare vt filium, venerari vt dominum, adorare vt Deum suum. Nulla sanè vquam genitrix tanto filium suum amore complexa est, quanto beata virgo filium suum; sicuti nec vlla vnquam absentiam filij vt ipsa molestius tulit. verum enim verò Dei voluntati non esse resistendum sciebat; tantumque abest, vt filij morti obsistere, quando etiam potuisset, vellet, vt illi commori, cumque eo crucifigi magis optauerit. Quare, sicut filius in corpore, ita in corde promeruit pati mater; quæ iccirco martyrū antesignana non immerito appellatur, quod in morte filij peracutus gladius illius animam transuerberauit. Dicebat illa in corde suo: Fili mi I E S V, I E S V fili mi, quis mihi tribuat, vt ego pro te moriar, I E S V fili mi, fili mi I E S V? O me nunc verè viduam, o me derelictam, quæ diu nimis charissimo filio sum caritura. quis miseram deinceps, afflictamque solabitur matrem? quis opem feret laboranti? quis præmet oculos morientis? quis fert naturæ ordo, vt matri filius præmoriatur, mater verò superstes doloribus referuetur, & cruciatibus? Si tuis parere genis, capiti, manibus, ac pedibus, cunctisque denique membris, ac ipsi demum vitæ noluit; hem miseræ saltem matris doloribus occurrere potuisses, vt scilicet morte prærepta tam atram non videret diem: tam horrendo non interesset spectaculo: funestas adeo non celebraret nuptias. Sed, heu me miseram, mori te oportere præsenferam quidem: paratum tibi à patre tuo patibulum crucis cognoueram: hostium rabiem, quam tu prænuiciaueras, non ignorabam; verum quod tantis ego superessem calamitatibus, nec tu, piissime fili, prædixisti: nec ego infelix mater, vt debui, consideraui. O si, quæ ego nunc patior, attentius olim considerassem, aut inter amplexus tuos defecissem: aut vltimum tibi saltem vale dixissem: aut denique vnâ tecum in carcerem, & in mortem iuissem. Quoniam verò hæc tua, hæc parentis tui voluntas est, vt vnus tu homo pro cunctis hominibus moriaris, fiat voluntas vtriusque. Perge tu fili mi benedicte, iamque inchoatum opus absolue redemptionis humanæ. Sequar te fili mi semper, quocunque ieris; & quamquam corpora seiungentur, spiritus tamen nulla vnquam temporis, locorum, vitæ, vel mortis intercapedine separabitur. O mi I E S V, vita mea, animæ dimidium meæ, dulcedo, spes, & consolatio mea, memento genitricis tuæ: memento promissionum mihi in Angelica salutatione factarum; dum me benedictam, & super omnes mulieres beatam fore, mihi nunciatum extitit. En omnium miserrima mihi esse videor. gemit anima: fremit spiritus: quatiuntur membra: nec satis consilij inter tot angustias depre-

In Christum passum

hēsa capere possum misera. His, & similibus quāstibus se ipsam infelix
 ex cruciabat mater. sequebantur mulieres & pia, & sancta, quā tūm ma-
 tri condolentes, tūm filio innocentissimo compatientes, & lacrymis, &
 eiularibus cordis dolorem significabant, cū suppetias ferre laboranti-
 bus, & afflictis nullo modo possent. O filia Hierusalem (inquit ipse)
 ne plorate calamitatem filij Dei hominis, sed vestram, filiorumq; vestro-
 rum cladem pertimescere. quia venient dies mali, diesq; afflictionis ve-
 strā, in quibus dicent: Beata steriles, quā non genuerunt, & vbera, quā
 non lactauerunt. His dictis, pergit IESVS meam suam portare cru-
 cem, donec ad Caluariā locum appulsus, spoliari se finit, & enudari, diui-
 di vestes, sed non eam tamen inconfutilem, quā ecclesiā vnitatem prae-
 figurat. nam eam quidem vocari ad sortem, diuidi autem minimē passus
 est. quatuor partes facta, toto orbe, quatuor partibus constanter, diffusam
 ecclesiam significant. Partium verō aequalitas, ecclesiā concordiam osten-
 dit. At sortitio illa, partium omnium denotat vnitatem, quā charitatis
 vinculo continentur. Deinde positis genibus, patri gratias agit, quod il-
 lum ad destinatum iam locum perduxisset, in quo charitatis excessum
 completurus erat: Videres ex nuditate virgineum pudorem surgere,
 nec tanti eum facere exulceratas, recrudescētesq; plagas in ipsa expo-
 litione vestium vulneribus inhaerentium, & sanguine concretarū, quan-
 ti nuditatem ipsam fecit. Siquidem non secus, ac à materno processer-
 rat vtero, sublati vestimentis omnibus, nudus omnino remansit; quod
 nec sine ratione contigit. Enimverō ut victus est Adam nudus, (scimus
 enim post peccata vestes anxie quāsiuisse:) ita CHRISTVM vince-
 re decuit omni tegumento prorsus exutum, & sicut nudus in mundum
 venerat CHRISTVS, sic nudus inde exiret, ut potē qui nihil cum
 eo commune haberet. Post hāc memoriā proditum est, auulsam à ca-
 pite spineam coronam, quod vestibus exuendis impedimento esset, po-
 stea rursus capiti eius affixam. Considera quis fuerit hic dolor, quod
 tormentum. O mons sacer, infamis olim, nunc verō quocunque celebri
 monte nobilior, in quo sacrificium Dominus meus exhibiturus est. Ete-
 nim homines alibi Deo; hic verō filius ipse Dei offertur, ut placetur Deus
 pro illa, quam Deo mundus iniuriam intulit; sicque idem ipse Deus ho-
 mo est sacerdos, victima, & placatus. O miram charitatem, o incompre-
 hensibilem Dei benignitatem. Per Isaac ignem, ac ligna: gladium ferat
 pater; non tamen immolaberis, sed aries vices tuas subibit. At CHRIS-
 TVS ipse meus baiulans sibi crucem, & charitate ardens, paternae irae
 periculum faciet, ac veluti mitissimus agnus, iugulum praebebit, occidiq;
 se patietur; ut pater viuum dilectissimi filij sui sanguinem intuens, ira-
 sci desinat: & animarum nostrarum misereri incipiat. Iamq; Dominus
 IESVS sanctissima distendat brachia, confugientes ad eum omnes
 complexurus: manus aperit, ut omne animal impleat benedictione. Sa-
 uissimi carnifices paratos, peracutosque binos depromunt clauos, sacra-
 tasque manus cœli, & orbis fabricatrices, cruci suffigunt. Contrahun-
 tur nerui: compatiuntur membra omnia: commouentur viscera. pedes
 vero

verò confestim in vnum contractos, altero alteri superimposito, ad cœli angustam viam significandum, & ad ostendendū iustitiæ misericordiam prælatam, iidem carnifices, trabali traijciunt clauo. Stillat vndique sanguis, quineriam fluit; Dominusque meus pretiosissimo cruore suo adiacentem irrorat humum. nec mirum, quia cum primus homo è rubra terra formatus, illam conspurcasset eandem nouo colore à secundo homine CHRISTO pretiosissimo eius sanguine inducto tingi decuit. Crux ipsa erigitur, & defigitur in suffossa terra. Elenato vexillo pugnandum est. Eia agite Christiani viri, antesignanus est CHRISTVS. Quid formidatis? non est nobis colluctatio tantum aduersus carnem, sed & aduersus principem tenebrarum harum. Confidite (inquit ipse) quia ego vici mundum. Ecce vobiscum sum vsque ad consumationem seculi. & alibi: Cùm eleuatus fuero à terra, omnia traham ad me ipsum. Odulcis magnes meus, ferreum, quæso, ad te cor meum attrahas. Iam verò si occisum Deum nostrum dicimus, vleiscamur in nos ipsos necem eius, cistitijs, flagellis, macerationibus, mortificationibus. Atqui Augustinus: Hodie (inquit) crux fixa est, & seculum sanctificatum est. Hodie crux fixa, & demones dispersi sunt. Hodie crux fixa est, & mors subuerfa est. Hodie diabolus victus est, & homo solutus est, & Deus glorificatus est. Lumen, quod sub modio humanitatis latuerat, nunc super candelabrum positum, lucet omnibus, qui in mundo sunt. Subleuatur, vt à cunctis videri queat: brachia extendit, vt nos complectatur: durissimis affigitur clauis, vt nos ad pœnitentiam expectet: sanguinem emittit vndique, vt potu nos reficiat, nobisque medicinam præbeat: cor aperit, vt iter pateat: voce clamat magna, ut audiant omnes. flet acerbè, ut nos inuiter ad compassionem: demittit caput, ut offerat pacis osculum. Assistit mater pijsissima, & cum ipso filio crucifigitur, orare non desinens, ne tam dirè, ac sæuè filius crucietur, neve tam rigide torqueatur. Itaque altare erectum est: impositus agnus: exemptus sanguis: ardet ignis charitatis: iustitiæ diuinæ satisfactum est: placatus pater: Deo humanum genus iam reductum in gratiam. Reliquum est, ut rostas sacratas carnes spiritus edat, & pretiosum ebibat sanguinem famelica, sitibundaque anima mea, ut bonis omnibus repleatur, & satietur, ijs nempe, quæ in Deo sunt condita. Rursus arbor, quæ aruerat, uirer, altas radices agit, florem, fructumque simul suauissimum profert mundo; non ut olim, quia ligni fructus mortem attulit mundo, sed nunc fructus huius fructus nobis instaurat uitam. Porro hæc scala Iacob est, per quam non Angeli, sed Angelorum Deus, & cum eo, qui illum sequuntur, ascendunt, & in sinu suo excipiuntur à patre Deo. Hoc speculum virtutum omnium cunctis proponitur gentibus. Hic figuræ cessant, & ænigmata: Deus de facie cernitur, & in unico eius filio manifestatur: hic cœli pulchritudo deformatur: cœli altitudo humiliatur: clarum puritatis speculum detegitur. Piscina Hierosolymis semel mota unum duntaxat sanabat; at hoc lauacrum omnes, quotquot descendunt, mouente magni consilij Angelo, indifferenter sanat. Crux CHRISTI, teste Augustino, in sermone de parasceue,

nobis

In Christum passum

nobis totius causa beatitudinis est. Hæc nos à cæcitate liberauit erroris: hæc à tenebris reddidit luci: hæc debellatos reddidit quieti: hæc alienos Deo coniunxit: longè constitutos proximè præsentauit: hæc peregrinantes ciues ostendit: hæc discordiæ amputatio est: hæc pacis firmamentum: hæc donorum omnium abundans largitio. Idemque Augustinus alibi super Ioannem ait: Crucis signum à nobis expellit exterminatorem, si tamen cor nostrum CHRISTVM habeat inhabitatorem. Gregorij verò in homelijs verba sunt hæc: Diabolus in virga crucis transglutians carnem humanitatis, transfixus est hamo diuinitatis. Et quidem crux ipsa verè hamus est, in quo suspensa est esca dominici corporis ad capiendum homines; quod ipse futurum prædixit, dum ad sese Apostolos accersendo, hominum eos piscatores euasuros pollicitus est. Hanc olim hamum reformidabant gentes; nunc autem esca dulcissima allecæ certatim currunt animæ, vt appendantur, & ab ipso piscatore Deo trahantur in cælum, vbi ad mensam celestis conuiuij cum beatis spiritibus festiuissimè discumbant. Vt autem impleatur scriptura, dicens: Et cum iniquis deputatus est, latrones insignes duos hinc, atque hinc carnifices crucifigunt, medium autem IESVM vtpotè, qui mediator est Dei, & hominum, quiq; in ipso diuino consistorio medium tenet locum. quamuis alia Iudeorum impietatis ratio fuerit, nempe vt latronum Princeps haberetur, & qui vitæ fuerat innocuæ, similis illis in moribus ex similitudine supplicij crederetur; atque sic alienam infamiam ad iustissimum omnium transferre, quantum in eis fuit, non erubuerunt; quam quidem infamiam mitissimus, humillimusq; Dominus haud moleste tulit; immo verò cum sceleratis in terris adnumerari voluit, vt nos in cælo Angelicis cœtibus misceremur, nec nominis sui curam gessisse visus est, vt nostra in libro vitæ nomina scriberentur. Hoc amplius, cum viuorum, mortuorūq; iudex iam constitutus esset, crucis tribunal iudicarium conscendit, vt in alterum vitæ, in alterum mortis sententiam promulgaret. futuri etiam iudicij formam ostendens, dum oues à dextris, hædos verò statuit à sinistris. At inter sanguinis effusionem, corporis pondere dolores acuite, sacra, mellitaq; depromit verba, flores nempe suauissimos ex lilij caulæ, hoc est sanctæ crucis nascentes. quod Propheta prædixerat his verbis: Vigilauit, & factus sum sicut passer solitarius in tecto. Et primò quidem in cruce pendens, vt scriptum reliquit Ambrosius, testamentum condidit, singulis pietatis opera distribuens, Apostolis persecutionem, iudæis corpus, patri spiritum, virgini paranympium, latroni paradysum, peccatori infernum, Christianis verè pœnitentibus crucem commendauit. Spinofumq; attollens caput, sanguinolentamq; erigens faciem, suspicit, patremq; orat, vt inimicis ignoscat: gemensq; & dolens, sollicito pectore suspiria repetens, veniam exorat. O bonitatem, o charitatem inexplicabilem. o nulla temporis diuturnitate defendum beneficium. Siluit Deus meus ad Herodis, & Annæ subsellia cum accusaretur, loquitur tamen in cruce coram patre, quia humani generis se aduocatum profitetur, quasi nullam sui, magnam

magnam verò nostri curam gerat. Et hinc mirum, quòd non pro ijs mò-
dò orat, qui necem inferunt, sed pro illis etiam qui Barabam ei prætule-
runt. quique in vrbe, publicè, interdiu, in medio latronum, & turpissi-
ma crucis enecant morte. Et notandum quidem est, quòd pro inimi-
cis orans patrem, dicit, de se loquens Deus meus, Deus meus; vt sic intel-
ligamus, eum de salute hostium maximè satagentem, qui mitiore patris
appellatione, quàm Dei vocabulo terribiliore aduersus eos parentis iram
lenire tentauerit; nempe in hostes eorum scelera minimè vindicando,
de se autem Dei voluntatem fieri exoptando; quasi diceret, ignoscendum
illis, qui eum occidendo peccauerant, quia moriebatur ipse, vt eis prome-
rendo vitam donaret. Et quasi diceret, non esse tanquam à Domino iu-
dicandos seruos, sed tanquam filios à parente misericorditer tractandos.
Pater (inquit) ignosce illis, quia nesciunt quid faciunt, veluti si diceret,
quæ in ligno mors vicit, quæque me ligno affixit, nunc ligno hærens, vi-
cta est. vnde æquum est, vt charitatem meam, & merita, eorum præferas
iniquitati. Cùm enim voluntate tua effusus sit sanguis meus, omnis fert
ratio, vt tua etiam manu in omnes æquè virtus eiusdem sanguinis diffun-
datur. quoniam cùm abluendis rotius mundi culpis sanguis meus suffi-
cere possit, non sunt & hi inimici mei tanti pretij virtute fraudandi. quin-
etiam si nulla vnquam maior culpa admissa est, tu ignoscendo, & miseren-
do clarius specimen insignis tuæ misericordiæ præbebis. Quoniam ve-
rò si solus ignouisset filius, iusta potuisset ratione pater nonnunquam il-
latam ipsi filio iniuriam persequi, iccirco, vt ipse pater dimitteret precatus
est filius, ne quid vliscendum superesset. Adde quòd patrem orans ni-
mià humilitate sua, cuncta opera patri accepta retulit. Ignosce (inquit)
absolutè, nullaque interiecta mora, vt sic charitatem miraremur, & imi-
taremur suam, vique coæqualitatem, paremque in dimittendo significaret
potestatem. Dehinc cùm in se ipsos Iudæi, & in filios suos Pilati senten-
tiam suscepissent, mitissimus ipse Dominus tanquam prouocans à senten-
tia, patrem appellat, libellumque porrigit, quo impetrat euestigio, vt di-
mittat, nec vliscatur iniuriam; tamen nec patratum facinus dolent illi,
nec veniam postulant, nec crimen agnoscunt quidem. immo fel parant,
acetum, & lanceam; atque ita non dum ad finem perducto scelere illis
ignosci postulat. Poterat ille quidem certè pro se ipso precari, vt minue-
rentur dolores: tollerentur hostes è medio: cessaret infamia: sepeliretur
corpus, sui tamen penitus oblitus, pro solis crucifixoribus postulat. Ra-
tionemque mox subinfert, quia nesciunt quid faciunt. quasi dicat, patris
ira meo placatur sanguine: Angelorum instaurantur ruinæ: spoliatur
infernus: deletur peccatum: redimitur mundus. quasi dicat, in meo san-
guine synagoga ecclesia: ego Moyse: circumcisioni baptismus succedet.
mannam eucharistia prauertet: prophetas Apostoli: crux æneum an-
guem: antiquis sacrificijs noua præstabunt sacramenta. Itaque verè ne-
sciunt, quid faciunt. ob id etiam quia Dei filium occidunt, innocen-
temque damnant virum, nec iusti sanguinis immeritò effusi pœnam ti-
ment. Contra verò latro, qui parricidijs assueuerat: vitam flagitiosè tra-
duxerat:

In Christum passum

duxerat: omniſque ſclerum genere vitam, & ſamam conſpurcauerat, peccatum tandem proprium agnoſcens, tactusque cordis dolore intrinſecus: memento (inquit) mei domine, cum veneris in regnum tuum. Huic autem ita ſupplicanti conſeſſim dominus para-diſi gloria pollicetur. Quid? latroni das, quem diſcipulo adimis para-diſum domine? vel ſi diſcipulo auferſ, quia oculos habens fur eſt, & latro, cur illum alteri æque latroni concedis? Si te tribus horis in cruce latro ſocium habuit; tribus annis in mundo Iudas ut dominum ſequutus eſt. Cainum pater primi-genij iure ſpoliauit, quia iniquus filius; Abel verò, quia iuſtus, eo ditauit honore. Deijcitur Iſmael, quia improbus: erigitur Iſaac, quia timens Deum. Iacob vir frugi diligitur: Eſau venator odio habetur. Deturbatur à ſolio Kuben ob ſclera eius: euehitur Iudas ob virtutes. Hos verò, nempe latronem, & Iudam proditorem omni ſclerum genere vitam conſecdaſſe ſuam non ambigitur. Cur itaque ad imparia iudicantur? Iam iam, o bone IEſu, tuam intueor iuſtitiam, qui Iudam proditorem, pertinacemque æternis deuotionibus ignibus: Latronem verò conſeſſorem, pœnitentemque perennibus addicis gaudijs. Ne tuam quiſquam, parentisque optimi calumniatur iuſtitiam, quia iuſtus es Domine, & rectum iudicium tuum. non enim de facie, aut veſtibus iudicas hominem, ſed corda ſcrutari, & probas renes. Latronem adducis tecum, quem ſocium in cruce habuiſti, qui te dominum conſeſſus eſt, & corream reprehendit ſuum, qui peccatum agnouit, de peccato doluit, tecum obiit, tibi que ſeipſum commendauit; vnde mirum non eſt, ſi illi peperciſti, & cœleſtem gloriam eſ elargitiſ; piè hoc pacto oſtendens in domo tua, maiori in honore latrones bonos haberi, quàm imperatores malos. Hic enim te publicè dominum appellauit, & conſeſſus eſt, cum alij pernegarent irridentes maiestatem tuam. Fugientibus alijs, & cariſſimis quidem, te ſolus in cruce ſecutus eſt. & ſi verum fateri liber, patres omnes, quotquot ante fuerunt, in fidei conſeſſione ſuperauit. Non enim Deum eſt allocutus ut Abraam: maiestatem non vidit, ut Iſaias: rubum incombuſtum non aſpexit, ut Moyses: Seraphinos non eſt intuiſus, ut Ezechiel: ventis, & mari imperari non vidit, ut Petrus: nec ſuſcitari Lazarum quadriduanum, ut Magdalena: non dæmonem eiſci, ut Cananea: minus curari ſeruum, ut Centurio: non etiam recubuit ſupra pectus Domini, ut Ioannes in cœna: nec aſſuit tranſfigurationi, cum Iacobo in monte Tabor. & tamen mirum, quòd, qui nihil horum uiderat, nihilque præſenſerat, credidit illum Deum, & hominem; unde illi ſe ipſum tanquam Deo commendauit. Magis autem mirum, quòd nec allectus miraculis fuerat, nec ut crederet, crux, & mors ſuadere poterant. & tamen corde credidit, & ore conſeſſus eſt. Ligatum uidit, nudum, crucifixum, derelictum, & contumelijs plenum, atque cum iniquis damnatum, domipum tamen appellauit. O inſignem, prudentemque latronem, qui non uiuendo modo, & uſque ad mortem furtiſ operam dedit, ſed in ipſa etiam morte ſurari didicit regnum cœlorum. Adam eiectus, quia iurtum fecerat. hic autem furti cauſa in para-diſum introductus eſt. Exiuit, qui in ligno perdidit

didit vitam: intrauit, qui in ligno vitam redemit. Exulauit, qui non credidit: receptus, qui Deum confessus est. Itaque primus latro è paradiso pulsus: secundus etiam latro immissus. primus ad meridiem damnatus: secundus in meridie saluatus. Fidei vis magna fuit, magna & charitatis, quippe quia funibus religatus, vestibus denudatus, sententia damnatus, bonis omnibus exutus, cum nihil iam superesset præter linguam, & cor, vtrunque donauit, & ipsi Domino consecrauit. quia corde credidit ad iustitiam, & ore confessus est ad salutem. quinetiam, si quid aliud superfuisset offerendum, nihil utique sibi retinisset. Cum autem cor, & linguam donauit, satis donasse visus est, qui etiam volens, aliud donare non potuisset. Vterque latro in cruce rogauit dominum, sed non æquè suæ vterque petitionis est consecutus effectum. siquidem malus latro, in fide nutans, & dubitans, ait: si filius Dei es: Bonus autem constanter, & firmiter credens, clamat: Memento mei Domine. Viuere malus in mundo quærit, & non auditur: boni autem deprecatio accepta, quia mori cum CHRISTO in hoc mundo, & cum eo regnare cupit in cælo. Errat malus, dum putat vitæ præsentis desiderio teneri dominum, ut ipse tenebatur: moritur bonus, dum regnum eius ab hoc mundo seiunctum fatetur, vnde in illud se introduci postulat; vtpotè qui crederet maiori dominum teneri moriendi desiderio pro nobis, quam malus ille latro, viuendi; quæ res gemino in cæna cupiditatis verbo expressa est, dum dixit: Desiderio desideravi hoc Pascha manducare vobiscum. His consequenter dicamus nec latronem, nec pontifices impetrasse, ut de cruce descenderet, quoniam non venit in mundum, ut descenderet, sed ut ascenderet. humiliavit enim semetipsum vsque ad mortem crucis; propter quod & Deus exaltauit illum, & donauit illi nomen, quod est super omne nomen; ut in nomine IESV omne genu flectatur, cælestium, terrestrium, & infernorum, & omnis lingua confiteatur, quia Dominus IESVS in gloria est Dei patris. venitque ipse in mundum, ut moreretur in cruce, non ut illam euitaret, aut fugeret. nam si is crucem detrectasset, totum crucifigi mundum oportuisset. ideo expediens magis fuit, ut vnus homo moreretur pro populo, quam ut vniuersagens periret, ut Caiphas in Iudæorum concilio vaticinatus fuerat. Ego verò, mi Domine, non id precabor, ut descendas de cruce, sed ut me tecum crucifigas, & ut me per crucem salues. Non enim amas, quos tibi non compati vides; nec tibi placere quisquam potest, qui crucem fugiat, & dolores repudiet. Sed ad latronem rediens bonum, primum ipsum prædicandi munus affecutum video. siquidem condemnatum secum latronem increpat, quem moribundum non pœnitent admissorum scelerum. Sua præterea confitetur peccata his verbis: Nos quidem factis digna recipimus. Deum inde laudat, præsentemque ostendit IESVM, inquit: hic autem quid? nihil enim mali gessit, nihilque non optimè fecit. Sic fraternæ correctionis cupidus, socium coarguit, ut ad pœnitentiam reuocet: & ut in peccatorum confessione, & veniæ, ac misericordiæ consecutione sic comes existat, ut in malis patrandis socius fuerat. O fidem, o charitatem, o cordis,

E & oris

In Christum passum

& oris confessionem, atque constantiam, ô immensam in CHRISTI passione pietatem. Priore confessionis verbo Deum fatetur, posteriore autē nihil petens, omnia postulat, dum se memoriæ domini commendat. Rectius enim nouit ipse Deus quid nobis conducatur, quàm nos ipsi, quasi dicat, tu, qui me creasti, memento facturæ tuæ: tu, qui me redemisti, memento pretiosissimi sanguinis tui, ne gratis effusus sit. ideo memento mei, pro quo illum fudisti, pro quo hominem induisti, pro quo morti te ipsum tradidisti, & pro quo animam posuisti. Non filios, non uxorem, non fortunas, non amicos, sed animam commendo, inquit, vt sic illam, cunctis mundi rebus præferre discamus. Benignus Deus, qui petenti latroni, vt sui memor esset in regno suo, misertus est in mundo, & in mundo peccata dimisit, vt mox coronaret in cælo. Quinetiam huius quàm matris diligentiore curam gessisse visus est, quippe qui latroni paradysum promissit priusquam matri de filio prouideret. hoc amplius, latroni paradysum absolutè donauit, quia contritum vidit, inimicis non contritis non item, pro quibus orauit tantum, vt conuerterentur, utq; exinde illis pariter cæli gloriam condonaret, quam nulli, qui corde pollutus sit, donari conuenit. Notandum præterea, quòd non audiuit dominus matrem filiorum Zebedei, cum peteret regni cōmoda, nempe primas sedes pro filiis, priusquam peccatorum veniam consequeretur: Latronis verò petitionem admisit, illiq; gloriam donauit, quòd prius misericordiam postulasset. Sui memoriam in mundo seruari non petijt, sed nomen suum in libro vitæ scribi efflagitauit. Vix credi potest, tantum in eo protinus charitatis, & fidei ignem exarsisse, nisi præcipuo dono cælos vidisset apertos, & Angelos magnis agminibus domino suo occurrentes. hinc misereti sui postulasse, & vt illum sequeretur obtinuisse. vix enim credibile est, facinorosum, criminibusq; assuetum hominem sui memoriam à Crucifixo haberi in regno petijisse, nisi ipsius regni gloriam aliquo pacto vidisset. Hinc subita illa dextera Dei, ad quam pendebat, mutatio. vnde ex blasphemio, confessor, & prædicator euestigio factus est, nempe bonum discernens à malo, peccatorem arguens, & innocentem defendens. Manus quippe ipsa dextera intus tetigit illum, confestimq; illum mutauit in virum alterum. Etenim, vt alter Euangelista tradit, vterque latro, nec minus hic, quàm ille, conuiciabatur domino, priusquam hic illius cor gratiæ, & amoris radijs attigisset; vt autem ad intima peruenit manus gratiæ Dei, tunc exuto vetere, nouum induit hominem; re ipsa comprobans, & quid dudum ex se ipso, & quid gratia cooperante paulo post fuerit. Omnia Dei misericordia, quæ latro in tota vita commiserat peccata, IESVS in ictu oculi cuncta deleuit. Non enim magnis illum, aut multis oneribus pœnitentiæ grauauit, nec purgari iussit igne purgatorio, sed malorum cunctorum veterum oblitus, solas inspicit virtutes nouas. vnde illius postulatis respondens, ait: Hodie mecum eris in paradiso. quibus verbis & suam declarauit potestatem, & patri Deo primitias fructuum passionis suæ obtulit charissimas. Hodie (inquit) cum tamen sciamus, illum non ante exactos quadraginta dies ad patrem ascendisse. Sed nimium

rum dixit, hodie, cum non de corpore sentiret, aut de anima, sed de diuinitate, quæ patri semper assistit inseparabiliter in cælo; in cuius quidem diuinitatis conspectu stat semper hodie, & vicissitudine tēporum incommutabilis æternitas. Non tamen hoc nobis cum latrone de misericordia Dei nimium præsumendum est, vt sic impiè viuentes, vltimo vitæ spiritu Dei misericordiam assequi speremus. quoniam nulli alteri tale quid legitus contigisse; periculosaq; est admodum finalis ista conuersio, ne virginum fatuarum exemplo, tempus non suppetat conquirendi diuinæ misericordiæ oleum, quo lampades exornentur; ideoque vigilandum est, cum nesciamus diem, neque horam, vt quando sponsus noster aduenerit, paratos nos inueniat ad sequendum illum cum lucernis ardentibus in manibus nostris, & præcinctis lumbis, vt cōfestim vestibus induti nuptialibus; admittamur ad cœlestis conuiuij mensam cum sanctis, & electis Dei, & cum ipsa præsertim virgine Deipara; quam intuitus, & misericordia super eam motus dominus, Ioanni dilectissimo discipulo, & consanguineo, utq; mutuū esset dilectionis vinculum, matri Ioannem ipsum commendauit; sic mater teram matris, nepotem verò filij vicem subire voluit. Nec mirum, cum virginem virgini commendauerit, dilectam charissimā, viduam celi; solam soli, vt mutua forent inter eos officia, amor, seruitium, solamen, & auxilium. discipulus vero illi præsto esset, cui nec domus, nec pecunia, nec ager, nec vestis erat; quamq; merore confectam, vix erat, qui aspiceret, pasceret, & operiret. At non matrem appellauit, ne aut suā, aut illius viscera commoueret; cum matris, & filij nomina sint nature vincula, pietatis officia, dilectionis studia. Mulierem dixit, vt sciret vnico mox se filio carituram; iamq; filium vocare definiret, quem, uti dominum, & Deum suum adorare debebat: quemq; iam pater Deus iure suo repetebat. Mira quippe est eius in matrem charitas, à qua nec animi dolores, nec corporis cruciatus, nec mortis, sensus sensim carpentis, properatio, filium seiungere potuerunt. Mirum quoque quod latroni prius, & matri postea prouiderit, illiq; cælum, & huic discipulum condonauerit. Sed non mirum tamen, quia ore confitenti gloriam, corde uerò precanti socium est elargitus, ut sciamus prodesse quidem cordis orationem, sed uocis pariter confessionem necessariam esse, sine qua nulli unquam paradisi gloria conceditur. Rursus latroni prius paradisi pollicitus est, quia periculum forsitan uideri potuisset in mora, ne is scilicet descisceret; cum ab eo minime deficere potuerit mater, utpotè constantissima, & gratia plenissima. Aduerbio ecce usus est, ut proximam, & iam imminentem mortem suam significaret; uel improbitatem filij commutationem; uel summam demum in eam dilectionem; quasi matri diceret: ecce, quia inter clauos, spinas, flagellaq;, & in ipsa extremi spiritus emissionē, tui non obliuiscor; quin tibi filium alterum dimitto; qui tuam tantam gerat: qui te soletur: qui accepta à me officia rependat tibi. Hinc præ cæteris dilexi semper, ideoque dilecto dilectissimam commendo; & dilectissimæ dilectum, ut mutuis uos prouocetis officijs. Magnum certè, & admirandum quid effari uoluit, dum particu-

In Christum passum

lam, ecce, præmisit, ac geminavit; forsan quia sub persona Ioannis totum humanum genus in matris protectionem ponere voluerit; quasi diceret: Ecce filius tuus populus meus est, quem ego nunc meo pretiosissimo sanguine redimo: hunc filij loco habeas: hunc tanquam tuum, tibiq; dicatum protege: pro hoc sis semper sollicita. Si me amasti, hunc dilige: si me in mundo hoc vtero gestasti, hunc fer in cælum tuis precationibus: si me sacris vberibus lactasti, hunc ne cesses alere, & informare virtutibus: si me fascijs ligare studuisti, effice, vt hic sit peccatorum nexibus ex solutus: si primos gressus meos direxisti, cadentem hunc erige, & obfirma: si me ab Herodis manibus exemisti, hunc erue à diaboli tentationibus: si Herode vita perfuncto in patriam me reduxisti, hunc diabolo in sedes inferni relegato, ne cesses ad cæli gloriam euehere: si me demum in tota vita tua auxilio iuisti, hunc ne desinas in omne æuum sacro sinu confouere. Sic è contrario cum dixit discipulo, ecce mater tua, nobis miseris peccatoribus dixisse videtur: Quid timetis? quid erubescitis? & mater est, & mater vestra. hæc vos diligit, hæc de vobis vestraq; salute sollicita est: hanc cum fiducia adite, huic manus supplices porrigite. si criminum immanitate turbamini: si conscientie sceleratæ terreamini: si horrore iudicii pertimescitis: si barathri metu estis consternati, Mariam cogitate, Mariam inuocate. Non recedat à corde, non recedat ab ore, nam ipsam cogitantes non erratis: ipsam inuocantes non desperatis: ipsam sequentes non aberratis: ipsa suffulciente non corruitis: ipsa protegente, non metuitis: ipsa duce non fatigamini: ipsa propitiâ secuti peruenitis ad cælum. Si me filium queritis, matrem conuenite: si pulchritudinem Angelorum, hæc illorum regina est. tota formosa, tota pulchra, amabilis tota, pulchra, vt Luna, electa, vt Sol. Si martyrum constantiam inquiretis, hæc basis est, & fundamentum; quæ cruci meæ semper adstitit inconcussa, & quouis tormentorum, aut dolorum turbine à me diuelli nunquam potuit. Fuit enim sicut turris fortitudinis, terribilis vt castrorum acies ordinata. Si confessorum diligitis puritatem, hæc est, vt nix alba, & simplex, vt columba. Si virginum amatis pudicitiam, hæc est antesignana. virgo ante partum, in partu, & post partum; flos campi, rosa munda, lilium conuallium. Si tandem cæli gloria vobis est cordi, hæc sua humilitate supra Angelorum sedes euecta est. Quid plura? Dei mater est, filia, & sponsa, in quam ipse ante hac omnia contuli dona mea, de quæ eius manu volui profluere omnes gratias. Itaque o mater dulcissima, o virgo speciosissima, o regina clemensissima, iam ora dilectissimum filium tuum, illiq; ostende pectus, & vbera, vt & ipse parenti detegat lacus & vulnera; sicq; in nos iuste conceptam iram deponat, imminentemq; auertat ultionem. Sed heu piissime mi domine, quo te dolore fuisse excruciatum crediderim, cum matrem tuam ante crucem constituisse cerneret, cuius faciei pallor, animi declarans angustias, feruentes lacrymæ dulcissimorum riuulorum instar per genas eius gratissimas vberim decurrentes, veluti doloris eius, & summi in te amoris amplissimi testes: gemitus dehinc ardentissimi, imo expressi corde, manuum complicatio, oculorum subleuatio, & labio-

& labiorum contractio ingentia pectori tuo sanctissimo imprimebant vulnera. Licet enim corpus matris non torqueretur, per intestinam tamen compassionem in cruce tecum extensa, clavisq; confixa patiebatur; doloresq; quos euasit pariens, patiente te filio, cumulatius, asperiusq; multo perpeffa est. nam sicut in partu omnes latitia superauit, ita in tui ipsius passione omnium maxime doluit: patiendoque tuos dolores auxit. quia non in tuo modo corpore, sed in materno quoque pectore cruciabar. Stabat illa quidem non saxeo corde, aut ferreo corpore, sed quia truces clauis tui illam pariter, ut collabi non posset, sustinebant. vel quia amor, ipsa quoque fortior morte, ut cadere nequiret, in causa fuit, verum conspectus, qui tibi olim gratissimus fuerat, vertebatur in tristitiam, & merorem. Hinc bina eodem tempore altaria fuisse erecta patri Deo constat, vnum in tuo corpore, & alterum in matris corde: in tuo tu corpus, & sanguinem, in suo illa animam obtulit. & quamuis sanguinem suum sanguini tuo miscere in redemptionis officium exoptaret, solius tamen tui, qui pontifex eras, hoc munus fuit, ut cum sanguine intrares in sancta sanctorum. Nunc anima mea aspice CHRISTVM tuum dulcissimum parentem veluti humani generis anxius partus laboribus correptum. aspice & Mariam dulcissimam matrem nouos partus tui causa experientem, & vtriusque doloribus compatiaris, si modo gratiae filia esse velis. Post haec IESVS meus summos patiens dolores, quales nunc nusquam perpeffus est, voce magna ad horam nonam clamat: Deus meus, Deus meus, ut quid dereliquisti me? Verba sunt dolentis, & patientis. Siquidem spinis caput est perforatum totum: facies confusa, & conspurcata: membra discerpta, & dilaniata: carnes fractae, & conuulsae: manus, & pedes duris terebrati clavis; si caput erigit, & allidit cruci, spinas altius infigit: si in alteram reclinat partem, brachia pungit: si auxilium implorat, dari prohibent astantes inimici: si solamen quaerit, conuiantes hostes intuentur oculi: blasphemias audiunt aures: foetorem loci hauriunt nares: clauos tangunt manus, & pedes: labra fellis, & aceti admistionem degustant. Omiserrimam hominis nostri conditionem. An ne sine ratione conqueritur? Quoniam vero oportebat eum pati, & ita intrare in gloriam suam, nec pati diuinitas poterat, humanitatem vero crucifigi necesse erat. Ideo ex his consequenter dicendum est, opus fuisse, ut suspenderetur diuinitas, sicq; pateretur humanitas, & liberaretur humanum genus. Vnde non is dolet, corpus torqueri, aut angitur. sed diuinitatem suspendi, quae haudquaquam poterat separari. Non patrem aduocat, ne patris animum flectendo, redemptionem impedire velle videatur. Sed Deum dicit; quasi iustitiam, & non misericordiam alloquatur. Tunc enim cum eo iuste agendum fuit, ut misericorditer mox ageretur nobiscum; & nisi ipse iustitiam persensisset, nos pariter misericordiam experti non fuisset. Hinc diuinitas dereliquisse visa est humanitatem filii, ut pater seruorum non desereret necessitatem. o miram domini charitatem, qui sui misericordiam haberi noluit, nosq; secundum iustitiam iudicari non permisit. Bis, & non ter idem protulit verbum, Deus meus, Deus

In Christum passum

Deus meus, vt solam filij personam pati ostenderet, & non patris, ac sancti Spiritus, qui à filio se subtraxerant, qui alioquin pati vt Deus non potuisset. Meus addidit, vt inseparabilem naturam, & diuinam significaret possessionem. Vt quid dereliquisti me? An ne causam huius diuinitatis suspensionis ipse ignorauit, qui patri potestate, & scientia par erat? scilicet idem vt homo. Dereliquisti, doloribus, & cruciatibus: ad tempus, & non semper. Me, nempe humanitatem, quia sola dolet humanitas, quæ sola patitur, quasi illa à diuinitatis fortitudine in arenam veluti à patrino, in ipso fuerit certamine derelicta. Hoc mirum, quod in morte diuinitas etiam vocata nullam opem tulit: in crucis portatione vltro adfuit etiam non vocata. Nec mirum tamen, quia in morte eius, in crucis gestamine causa nostra agebatur. Quoniam verò hæc mei miseri peccatoris gratia contigerunt, concede tu piissime mi domine IESU CHRISTE, vt dereliqueris, atque ope tua sanctissima nunquam destitueris, sine qua nec mortis dolores ferre, nec hostium impetum sustinere possem; sed ipse in acerrimo bello, & in diluuio aquarum multarum, deficerem omnino & mergerer; quemadmodum & in hoc etiam mens absorbetur mea, quod pro me vili peccatore, pro me ingratisimo seruo, pro me omni scelerum genere coinquinato, tu, qui patri vnicus, & dilectissimus es, fueris derelictus, quodque pro tam vili, & adulterina merce tam pretiosum effunderis thesaurum. Hic sacerdotes adstantes Heliam vocari credentes, sine vitæ, vt de cruce descenderet, hortabantur. Sed o stulte, cæcæque grex sacerdotum, an ne impossibile illi erat de paruo ligni stipite, qui è supremæ cælorum sede descenderat? Nunquid tua vincula eum tenere possent, quem cæli non possunt capere? Non venit quippe, vt se liberaret, qui sub seruitute non erat: sed vt nos de seruitute redimeret. Fraudulenta credendi promissio tua, maius fecit surgens de sepulchro, & non credidisti, nec si de cruce descenderet, crederes. Iam verò positis cum Deo rationibus suis, posteaquam inimicis, latroni, & matri prouiderat, sitire se clamenpe, & spiritus: temporaria, & æterna: hæc animas, illa elementum respiciebat. Vt primum enim primus ille omnium nostrum parens defectionis infecit: secundus hic parens noster immensa, nimiumque æstuante salutis nostræ exarsit, atque vltus est sitiri, quam sistere, depellereque ante passionis tempus nunquam potuit. Tunc enim de torrente infirmitatum, dolorum, & passionum in uia uitæ huius bibit, ut exaltaret carbis, uidelicet, ut nostra tolleretur opprobria; & tunc saturatus est, opprobria & opprobria exprobrantium tibi ceciderunt super me. Vanam verò utilia eius membra simus, ut exaltemur cum capite. Sed quoniam sub capite spinoso non decet membrum esse delicatum, uerendum est nobis, ne

ne putrida illius membra simus, orandumq; est simul, ut hic vrat, hic fecet, vt in aeternum parcat. Propinauit ipse nobis quidem amarissimum poculum, vt nos membra eius sanaremur: sanguinem misit, vt nostras curaret aegritudines; sitim ablueret cupiditatum, nostrosq; componeret sensus, ac pristinae redderet sanitati. sed nos miseri, tanquam multa febre phrenetici, & medicum reiicimus, & pharmaca respuimus; vnde mirum non est, si infirmitas est ad mortem. Similis factus sum (inquit ipse) Pelicano solitudinis, quasi dicat, ingrata anima, quid ruis in interitum? quid fugis medicum? quid spernis medicamina? quid ego amplius praestare potui? Proprio filio non pepercit Deus, & parcat tibi? Donauit illum quidem nobis, sed quasi repudiata à nobis donationis fructu caremus. Percussit illū propter scelera populi sui. populus autem non cognouit tempus visitationis suae. Quemadmodum Pelicanus, vt suos pullos à serpentum ictibus seruet, rostro sibi pectus pertundens elicit sanguinem; sic & dominus noster, vt nos à rabidis demonum dentibus eriperet, pretiosissimo sanguini suo non pepercit; vnde se merito cum Pelicano comparauit; sed cum Pelicano solitudinis. Porro cum solus esset, suaq; frueretur gloria, nullis nostris indigens bonis, sortem nostram miseratus, qui eius indignationis incommodum de primo parente contraxeramus, exinanauit semetipsum formam serui accipiens, quia delicta eius esse cum filiis hominum; & vt maius dilectionis praeberet argumentum, sui sanguinis riuos referauit, ex quibus altera sitis est consecuta, nempe corporis, temporaria, & elementum appetens. Sed nos miseri, ingratiq; serui in magna siti potui dedimus acetum; fel obtulimus, pro aqua sacri lateris acetum dedimus sitienti. Quae verò est immanitas isthaec, vt moribundo, ac sitis ardore confecto, ne aquulae quidem haustu gratificari voluerint. Si cruci eum suffigere expetescabant, iam voti compotes facti fuerant: si necare, iam animam agebat; iam nulla spes vitae supererat; quam verò crudeliter in eum saeuitum sit, obscurum hinc nemini esse potest, cum tantum aquae etiam languenti, & morienti obstinatis animis pernegauerint; id quod ab illis sine vlla dubitatione factum esse credendum est, vt quem intestino odio prosequiebantur, illi summam rerum omnium desperationem asferrent. omnibus siquidem elementis simul, quae communia sunt etiam feris, ipsum dominum priuare voluerunt, aqua scilicet negando potum; calore, spoliando; terra, in cruce suspendendo; aere, necem inferendo. Caterum aliam fuisse sitim, quam ipsi arbitrabantur, largus, qui mox manauit è sacro latere sanguinis, & aquae riuus, apertissime demonstrauit. De torrente bibit in tempore, de fonte ab aeterno: ab aeterno de fonte voluptatis, in tempore de torrente dolorum, & tormentorum: ab aeterno in sede, in tempore in via: Bibit de fonte ab aeterno, & saturatus est voluptate diuinitatis suae: bibit de torrente in tempore, & saturatus est opprobrijs humanitatis suae. Itaque sitis sitim, & saturitas saturitatem est consecuta. Dulce poculum diuini fontis, amarus haustus humani torrentis. Sed sitit Deus, bibit homo; veluti diues hic, egenus ille; nimirum tamen, quia sic placuit illi, qui haec ad hunc modum composuit,

In Christum passum

composuit, atque digessit, ut essemus diuites in omnibus, & per omnia;
Ad hæc, gustauit quidem, sed non iccirco bibit fel peccatorum nostrorum,
quia peccati incapax fuit. Fel, hoc est pœnam gustauit, non tamen acetum,
hoc est reatum, bibit. Nam, ut primi parentis expiaret culpam, qui
in paradisi delitijs è ligno vetitum carpsisset, & comedisset malum, voluit
is, pendens in ligno crucis, inter mortis angustias sibi fellis, aceti; poculum dari. Cognouit enim sua inscrutabili sapientia ad sanandam iacentis
mundi egritudinem exitialem, potionem, & missione sanguinis opus esse;
quod quidem præstitit diligenter, sumpta fellis, & aceti potionem, & ab
omni corporis parte misso profluenter sanguine. Sed quonam modo
constare hæc ratio potest, ut benè habenti poculum præbeatur, venaque
fecetur: ager verò, & malè habens, sine his, egritudine leuetur? Constat
autè ratio ad amissim, si cogitauerimus, nos capitis nostri, qui **CHRISTVS** est, membra esse; & sape fieri, ut in profligata valetudine membra
à morbis vindicandi gratia, caput, etiam sanum, venæ scissura lancinetur.
Caput igitur nostrum vulneratum est, ut sanarentur membra. Obone
medice, & ò medicina mea præsentanea, cuius haustu à me omne morbi
genus depulsum est. Fusus verè est sanguis medici, & factum est medicamentum phrenetici. Sitit adhuc anima mea ad te Deum fontem viuum;
& sicut ceruus desiderat fontes aquarum, ita anima mea ad te Deus, ut sitio,
ita satia; bibat anima mea de torrente in carne, ut bibat de fonte in
spiritu: De torrente in peregrinatione, de fonte in patria. Lauasti me
Deus meus in sanguine tuo: satiasti lateris profluuium: abluiisti baptismatis
fonte: lauabis pœnitentiæ flumine: latice asperges gratiæ; & merges
gloriæ pelago. Sed & tu mi Domine adhuc sitis salutem meam, honoremq;
ætèrni patris tui; unde non immeritò sitire te clamas, qui pro mea
salute ut piè credere par es; etiam millies, & centies millies pati non
refugeres. immo & ad mundi finem vsque in pœna crucis esse non dubitares,
vbi id salutis meæ ratio exposceret; quemadmodum & pro patris
honore in cruce pendens plus adhuc agere, & pati sitisti; Quare factum
est, ut patris tui, & meam vna leuaueris sitim; patris quidem in reparando
Angelorum ruinas: meam verò in redimendo ab inimicorum manibus.
Tu verò adhuc clamas, & sitis, dicens: Mulier da mihi bibere; nec Samaritanum à iudæo distinguis, sed ab omnibus indifferenter flagitas potum.
porus autem tuus est, ut faciant homines voluntatem patris tui; & patris
voluntas est sanctificatio nostra, ut animas nostras reddamus sanctas in
præceptis tuis ambulando. Esuris, qui cunctos pascis: Sitis, qui potum
omnem creasti, quiq; spiritualiter panis es esuriētium, fonsq; sitientium:
ab itinere terrestri es fatigatus, qui te ipsum nobis viam fecisti in cælum:
obmutuisti, & obsurdisti coram conuiciantibus, per quem mutus locutus
est, & surdus audiuit: Vincētus, qui de infirmitatum vinculis nos soluisti:
Flagellatus es, qui omnium flagella dolorum de hominum corporibus
expulisti: Crucifixus es, qui cruciatus nostros finisti: Mortuus, qui
mortuos suscitasti: Sed & surrexisti nunquam moriturus, ne à te quisquam
sic discederet, mortem contemneret, quasi nunquam futurus. Sed

iam

iam afflitit mors ad caput, deficiunt sensus, incipiunt oculi tenebris ob-
 scurari; nihil aliud superest, nisi vt agatur spiritus. Hinc IESVS riuus,
 consummata inquit esse omnia. nempe sanguinem, vires, vitam, dolores,
 tormenta, poenas, patientiam, humilitatem, obedientiam, prophetici vati-
 cinia, & redemptionem ipsam. Sub ipsam verò redemptionis consumma-
 tionem cælum perturbatur: quatitur terra: lapides concussatione dissi-
 liunt: scinditur velum templi: terræ tenebris obducuntur: fugiunt dæ-
 mones: infernus contremiscit: omnis in summa compatitur creatura.
CHRISTO morienti, solus non compatitur homo, pro quo solo
CHRISTVS patitur. Opere autem consummato, gaudet aer nouo lu-
 mine perfusus: ridet cæli: terra nostra noua ornata dignitate Angeli-
 cos præuertit choros: languent dulcedine piorum corda: canunt Ange-
 li: parantur electis sedes in paradiso. Solus ego miser clamito, consu-
 matam vitam meam, quia dies mei sicut vmbra declinauerunt, & canities
 vicinam prænunciat mortem, abusum me temporis vsura, talentum ab-
 sconditum, quod negotiationis causa acceperam, venia indignum me ef-
 fectum esse, nec superesse aliud, quàm spem ipsam misericordiæ. Tu verò
 mi Domine adhuc clamans ais: consummatum est; quasi patri dicas: opus,
 quod dedisti mihi, iam consummaui, sanguinem profudi, venæ exaruerunt
 meæ, medullæ absumptæ, raucescit guttur, quid amplius præstare potui?
 Breuia sunt quidem verba, quæ Dominus in cruce protulit, sed grauida
 sacramentis. siquidem quicquid æterna sapientia constituerat, quicquid
 iustitiæ rigor pro singulis quibusq; exigebat, quicquid poscebat charitas,
 quicquid patribus promissum fuerat, quicquid præsignauerant mysteria,
 figuræ, ceremoniæ, & scripturæ, quicquid redemptioni nostræ necessa-
 rium fuerat, quicquid gloriosum esse poterat ad amorem summum in
 nos demonstrandum, quicquid ad explendam paternam obedientiam,
 potuit desiderari, quicquid ad omnium virtutum exemplum proponen-
 dum excogitari poterat, quicquid demum honestum, ac congruum fuit
 ad gloriosum mirificæ victoriæ redemptionis nostræ triumphum cele-
 brandum, cuncta hæc conclusa sunt hoc verbo: Consummatum est. Itaque
 nihil iam superest, nisi vt in hac gloriosa certaminis victoria, coronam ac-
 cipiat; vtpotè qui bonum certamen certauit, & cursum consummauit; cu-
 ius rei causa commendat spiritum patri. Namq; cùm lacerum corpus
 cruci affixum esset, & iam sanguinis cessasset fluxus, cùm nec guttula qui-
 dem videretur superesse, vestimenta tum diuisa inter milites, tum sorte
 distributa essent, nihil tenens amplius, nisi solum spiritum, hunc ipsum
 patri commendauit, vt sic vltima responderent primis; nempe, vt sicut
 primo loco pro inimicis orauerat, vltimo saltem se ipsum commendaret.
 At verò pro inimicis orauit, vt conuerterentur: latroni contrito, & con-
 uerso paradysum est elargitus: suum verò spiritum patris manibus con-
 secrauit. Inimicis siquidem non contritis paradysum polliceri non de-
 cebat, nec pro latrone contrito deprecandum erat, ideo ex ordine cun-
 cta, vt par erat, Dominus ipse disposuit. Et quamuis à patre & filio pro-
 cedat sanctus Spiritus, nihilominus patri commédans spiritum, animam,

In Christum passum

quæ filij propria erat, commendare voluit. Sicq; habemus **CHRISTVM** **IESVM** ex patre nascentem, in patre cubantem, cum patre sedentem, sub patre pendentem, à patre ambulantem, pro patre stantem, sine patre morientem. Hinc ego, cui, amissis reliquis donis, solus superest spiritus, à te, mi domine, vehementer peto, vt in hora mortis meæ spiritum meum accipias, illumq; in cœlestis Hierusalem firmitate constituas; & quicquid labis sua iniquitate contraxit, lauacro tui cruoris abluatur; ita vt abstergas quod est meum, & tollas, quod est tuum. Interim autem non desistam contemplari, quæ pœna tua fuerit in ipsius animæ, & corporis separatione. quandoquidem cùm triginta tribus annis, veluti amantes duo in lectulo vno pacificè, mira; concordia quiescent, nulla vnquam lite, nullo diffidio, nulla; excitata similitate, non poterat non grauis admodum, & molesta esse imminens ipsa diuisio. Sanctum enim corpus dolebat fidum amicum, pacificum patrem familias, piūque magistrum, ac præceptorem tam cito discessurum: spiritus pariter, atque sanctissima anima diuelli à fidissimo seruo grauitè, molesteq; ferebat, cùm illius morigerum famulatum experta esset, qui nec frigoris, nec æstus, nec famis, nec sitis molestias vnquam refugerat, sed labores, doloresque sustinuerat æquanimiter semper: hoc amplius, salutis nostræ organum, instrumentumq; erat, cuius quidem salutis anima domini diligentem gerebat curam. Hem, quis siccis oculis cernat expallescens cultum, deficientes oculos, lurida labra, languentia membra, sensimq; demittens se caput, vltimum Vale dicens, in paternæ reuerentiæ signum, & in amoris erga nos sui testimonium? quis verò non expaueat? quis non flebilibus vocibus, & eiulatu acerbissimum casum doleat? siquidem puncto temporis tartareas fores perripuit, & sanctorum patrum animas ex carcere liberauit. statutoq; inde tempore ad cunctis alijs eminētiorem sedem euolauit; fuitq; vno, & eodem tempore apud inferos, & in cœlo: illic patiens iniuriam carnis, hic non relinquens gloriam deitatis. erat apud inferos resurrectio mortuorum: erat in cœlis vita viuentium. O velox cursus ventorum ocyor pennis. Occurrunt Angelorum agmina: excipit lætanter parens triumphantem filium: gaudet cœlum: coruscat æther: totaq; resultat concentibus aula cœlestis. Sed ò nos miseros, ò nos orphanos, Tam cito ò bone **IESV** nos deseris? tam repenti faciem tuam abscondis? quis miserebitur nostri? quis nos solabitur? quis nos tuebitur? quis nostris medebitur agnitionibus? ad quem confugiemus? quis erit miseriarum modus? an ne in tenebris sine luce ambulabimus? an ne sine ductore errabimus inter lupos? Sed ò felicitatem nostram, quia terra nostra, id est humanitas tua super omnes cœlos euecta est, altioremq; cunctis alijs thronum est assecuta, vt in æternum regnes, nostriq; curam geras. Pater enim tuus super omnes creaturas nostram in te exaltauit humanitatem, illumq; ad dextram suam collocauit, ita vt, quæ maledicta erat olim, damnationiq; addicta, iam benedicta sit, sanctificata, & ultra beatos omnes mirificè erecta; & quæ prius despiciatui erat dæmonibus in inferno, modò ab Angelis adoretur in cœlo. Tu pastor bone, qui animam posuisti

fuiſti pro ouibus tuis, qui cognofcis oues tuas, & quem cognofcunt tuæ, dirige grefſus noſtros in beneplacito tuo, & nos errantes, ad tuum redue ouile, vt ingredientibus, & egredientibus inueniamus paſcua dulcia, pingua, amena, & indeficientia, vbi tu pabulum es, paſtor, & agnus. Ne, quaſo, permittas nos à rugienti leone deuorari. inclinata eſt iam dies ætatis noſtræ, adueſperafcit, & cadunt altis de montibus umbræ; introduc miſeros priuſquam tenebræ nos comprehendant, & antequam cœli fores cōcludantur. Ego verò præſtolabor aduentum tuum, mortisq; meæ tempus obſeruabo; ante crucem proſtratus precabor, plorabo, illamq; venerabor, reliquias colligam, & rationes meas componam, vt cum meæ villicationis rationem popoſceris, nulla interiecta mora, dicto paream; & ſi fortè conturbatæ rationes videantur, degulatum patrimonium, comminuta bona, vertere me tamen ad preces queam, & deprecari pro peccatis meis. Hic cum Anſelmo dicam: Quid feciſti dulciſſime puer, vt ſic iudicareris? quid amiſiſti ò amantiſſime iuuenis, vt tam viliter tractareris? quod ſcelus tuum? quæ noxa tua? quæ cauſa mortis? quæ occaſio dānationis? Ego ſum tui cauſa doloris, tuæ culpa occiſionis: Ego tuæ paſſionis liuor, tui cruciatus labor, tuæ vitæ meritum, tuæ vindictæ flagitium. Age verò dum mecum hæc ipſe cogito, lancea miles laſus aperit, fluit ſanguis, & aqua; vt videant homines in quem tranſfixerunt, quod quidem laſus niſi apertum fuiſſet, & fluxiſſent ſanguis, & aqua, madefacientes corpus, totum me hercule crediderim amoris incendio concrematum, in cinerem verſum iri. Nouiſſimum hoc vulnus omnium reliquorum grauiſſimum, quippe quòd non manus, non pedes, ſed cor ipſum petijt, cor ipſum aperuit, vltimum certè executione, ſed intentione primū. Intentio amoris, executio odij partus extitit; ab æterno dilectionis, poſt mortem ſariſſæ dominus vulnus accepit, ſiquidem ante mundi conſtitutionem Adæ lapſum præuidit Deus, nec mundum tamen creare ſuperſedit, quia dilectiſſimi filij mortem ab æterno præordinauit ad ipſius mundi inſtaurationem, & ad amoris in nos ſui oſtentionem. Filij autem mortem tollere noluit, ne ſimul hominis tolleretur libertatem; ſicque hominis arbitrium CHRISTI vitæ prælatum eſt, tanta eſt Dei bonitas, vt ſuū dare maluerit, & alienum tollere, indecens eſſe cognouerit. Cum enim poſſet aliter, & alio modo Adæ peccatum abolere, vtpotè diues in omnibus, ſimulq; filij mortem, & Iudæ damnationem deuitare, maluit tamen filij peccus aperire, & claudere inferni fores. Neceſſarium verò fuit, vti Deus aſſumpta carne pateretur, vt diſſoluto hominis debito, iuſtitia Dei ſatiſfaceret. Nam homo non poterat, & Deus non debebat; quia moriendo parum patiebatur homo; Deus verò pati non poterat; ideoque Deum, & hominem ſimul eſſe oportuit, qui pateretur, & ſolueret. Hinc mira Dei charitas eluceſcit, qui nos redimendo, quàm creādo mundum, opus maius molitus eſt, ſiquidem creando, dixit, & facta ſunt: recreando verò, factō ſatiſfactorio opus fuit, nempe filij morte. In ipſa creatione Deo hominem tradidit; ſe ipſum verò Deum homini in recreatione donauit. Quid? mortem ne filij optauit Deus? abſit, ſed neceſſariam du-

In Christum passum

xit ad maiorem sui in nos amoris expressionem. Cum enim pius in nos esse vellent, pietatq; obstaret iustitia, cui omnino satisfaciendum erat, iustitiæ persoluit debitum, vt pia gratia nos ditaret. Crudelis quippe in se ipsum visus est, vt in nos, qui inimici eramus, pius esset. Bellum intulit sibi ipsi, vt nos pacis commodis frueremur. In mundo moriens clausit lumina, vt nos viuentes oculos aperiremus in cælo. Breuem dormiuit noctem, vt nos perpetuum vigilaremus diem. Spoliavit se luce, & inuoluit tenebris, vt nos æterna cæli claritate vestiret. Clavis firmissimis voluit in cruce suffigi, vt intelligeremus, obsidem eum esse datum causa pacis; sciremusq; pariter, certam esse salutem nostram, nec eum à nobis amplius recessurum. Præterea cum infinito Deo teneremur infinito debito, infinito etiam pretio infinitæ æstimationis, quod sanguinis eius pretiosissimi fuit, pro nobis exsoluit, vt non tetro inclusi carcere veluti rei, sed ornatissimo in atrio, ceu amici, frueremur munificentia eius, ac liberalitate. Maiorem quippe non habuit charitatem Deus, quàm vt animam suam poneret pro nobis, & si maiorem habuisset, ea vtique in nos vltus fuisset; cum verò nec cogitari quidem maior potuerit, hinc intelligere possumus, nihil maius ab eo nobis præstari potuisse. Dei iustitia sanguinem; charitas aquam exposcebat, en vtrique satisfactum, dum ex sacro latere demanat sãguis, & aqua, quibus plectitur iniuria, & abluitur scelus. Hinc sanguis, & aqua ostendunt, non sufficere contritionem cordis, oculorumq; lacrymas, nisi merito sanguinis admistæ promereantur nobis veniam, & vitam. Mira etiam hinc se aperit domini liberalitas, quòd cum in eius morte, vt ferè fit, sanguis ad cordis arcem se recepisset, hunc etiam ipsum post mortem nobis muneri dedit, vt intelligeremus, nihil eũ prorsum sanguinis, neque subsidiarium quidem sibi reseruasse. Hinc dicamus pariter, quòd si fons sanguinis ipsum cor appellatur, in aperitione lateris, cor, sanguinem, & animam elargitus est nobis. quòd si cum sanguine cor, & animam donauit, cur non & cæli gloriam largietur? Sat esse poterat, quòd viuus carnem, & sanguinem nobis dedisset, sed ne hoc quidem satis fuit charitati eius, qui post mortem cor aperuit quoque, vt cognosceremus, viuentem præcepta dedisse, & miracula; morientem sanguinem, & aquam; post mortem, cor, & spiritum sanctum. brachia insuper extendisse, vt offerret complexum; vultum demisisse, ne iratum suspiceret patrem, concitataq; in nos Angelorum agmina: sed vt nostri miseretur, tantisper dum in hac viuimus lacrymarum valle. O humile paternæ obedientiæ, & reuerentiæ signum, quo primi parentis inobedientiæ, & irreuerentiæ satisfactum est. O immensa miserendi nostri cupiditas, vnico enim cordis gemitu, & suspirio iustam in nobis suæ vltionis sententiam aboleri, & antiquari patitur. Testis est latro, qui cum nefandissimis criminibus cunctis diebus suæ gehennam ignis sibi nactus fuisset, cæli gloriam demum vnico suspirio consecutus est. Hic profectò est Dei nostri mos antiquus, vt pro vnico, vel minimo obsequio ingentia rependat præmia. testatur latro, qui humili, vt dictum est, diuinitatis confessione, scelerum omnium promeruit abluitionem: testatur Veronica, quæ de facie

facie Dominica forditudinem sudariolo volens abstergere, veram ipsius faciei imaginem, sudario impressam, mirabiliter adepta est: testantur Magdalena, Zachæus, Publicanus, & alij, quos recensere longum esset, & laboriosum. Quid ergo timebis, o peccator? quid formidabis? Hic Deus tuus, hic dominus tuus est. Patiens est, benignus est, misericors est; ne timeas adire thronum eius, quia nihil quærit, nihil amat, nisi ut resipiscas, & redeas in viam. Omnia in eo habes, & omnia in nobis est CHRISTVS. si vulnere curari desideras, medicus est: si febribus æstuas, fons est: si times mortem, vita est: si tenebras fugis, lux est: si cælum inquiris, via est: si cibum amas, alimentum est: omnia omnibus factus est, pauper egenis, diues diuitibus, flens flentibus, esuriens esurientibus, sitiens sitientibus, prodigus abundantibus, in carcere cum paupere est: cum Maria flet, cum Apostolis epulatur, cum Samaritana sitit, in deserto esurit, vt cibis primi hominis, quem præuaricatione gustauerat, eius ieiunio solueretur. Cum Deus esset, inclinauit cælo, & induit hominē, vt tu homo erectus Deum indueres: Fornam serui accepit, vt tu Dei formam assumeres: Immortalitatem suam cum tua mortalitate cōmutauit, vt tu immortalitatis eius particeps euaderes. Et quamam ratione de illius pietate dubitabis, si pietas ipsa effecit, vt crucis patibulum subiret? Crudelis in se fuit, vt pius in nos esset; & sanguini suo non pepercit, vt nobis parceret, culpasque nostras ablueret. Hinc Augustinus ait: inspicere vulnera pendentis, sanguinem morientis, pretium redimentis, cicatrices resurgentis. Caput habet inclinatum, ad osculandum: cor apertum, ad diligendum: brachia extensa, ad amplexandum: totum corpus expositum, ad redimendum. Hæc quanta sint cogita, hæc in statera cordis tui appende, vt totus tibi figatur in corde, qui totus pro nobis fixus fuit in cruce. Et Bernardus in sermonibus suis: Caput (inquit) Angelicis tremebundum spiritibus densitate spinarum pungitur: facies pulchra præ filiis hominum sputis Iudeorum deturpatur: oculi lucidiores Sole, caligantur in morte: aures, quæ audiunt Angelicos cantus, audiunt peccatorum insultus: os, quod docet Angelos; felle, & aceto potatur: pedes, quorum scabellum adoratur, cruci clauis affiguntur: manus, quæ formauerunt cælos, sunt in cruce extensæ, & clauis affixæ: corpus verberatur: latus lancea perforatur: & quid plura? non remansit in eo nisi lingua, vt pro peccatoribus oraret, & matrem discipulo commendaret. Itaque ad illum accede, & si metuis, sociam adhibe Magdalenam, quæ peccatrix fuit, & lacrymis Apostolatū promerita est. Latronem aduoca, qui vitam flagitijs omnibus contaminatam vno gemitu ad pristinum nitorem, puritatemq; reuocauit. Ego verò omnium perditissimus, & profligatissimus homo, qui plurima, & flagitiosissima facinora patraui, omniq; scelerum genere animam commaculaui meam, crucem amplexabor, expendam animo passionem Dominicam diligenter, meditabor, vt columba. Confitebor aduersum me iniustitiam meam Domino, & ipse remittet impietatem meam mihi. Anima mea sicut terra sine aqua domino, verum in eam à quinque perennibus fontibus, immo fluminibus sacro corpore manantibus, gratiarum

aquas

In Christum passum

aquas deriuabo, vt irrigata fatis, secundum caprum suum, æternę vitę fructus reddere discat. Vos ò beati spiritus, qui comites nostris spiritibus adesse soletis, nunc adeste, quaeso, & meis optatis aspirate, vt spiritus ipse meus spirer, respiretq; diuinum spiritum; iamq; eò tendat, quo dirigitur cogitationes omnes, quo optimæ inspirationes ferunt. Esto tu crux mihi speculum animæ meæ mihi sordes eius omnes representans; te sine neque ego me ipse nouerim, neque squaloris illuies tollitur. Tu nidus, in quo phoenix mea sedit, dum vellet nouam vitam instaurare, ac reparare. Hic dulcius cecinit, quàm alibi: hic feruentius amauit: hic largius donauit: hic ardentius orauit: hic diu fatigatus quieuit: hic thronum dominus posuit suum. Sed quænam quies in duro, & angusto ligno? qui somnus inter spinas, clauos, & lanceas? qui throni maiestas in derisio-nibus, & conuicijs? crux thronus, clauis sceptrum, corona spinea, purpureum indumentum, detrita vestis, astantes latrones, consiliarij carnifices, & balatrones curiales, mensa ex arundine, & spongia, cibus, fel, & acetum, aromata, & odores, purulenta spūta. O longè à regno mundi dissimile Dei regnum. ab hoc refugit caro, & sensus, ad hoc accedit spiritus, & ratio. Huius enim maiestatis contemplatione accenditur animus, refricatur passionis memoria, in qua sola spes omnis bona sita est, & ex qua sola animus cœlestia haurit gaudia nullo tempore peritura. Namq; ex amarissimo domini bello, mihi pax dulcis paratur: prodit ex lateris vulnere animæ salus meæ: à flagellis medicina: à morte vita: ab inclinatione capitis, erectio animæ: à sanguinis emissionē, indulgentiæ, remissiones, sacramenta: à spinis, humilitas: à clauis, libertas: à lancea pax cordis. Hæc nos miseri, qui beatos illos esse putabamus, qui seculi huius felicitate, delitijsq; perfruuntur, cum tamen Dei filium crucis ignominiam sustinuisse conspiciamus. Hæc profectò crux est humilium tutio inuicta, superbiorum defectio, victoria CHRISTI, perditio diaboli, infernorum destructio, cœlestium confirmatio, mors infidelium, vita iustorum. de qua Chrysostomus: Crux est, inquit, Christianorum spes, crux Romanorum victoria, mortuorum resurrectio, cecorum dux, conuersorum via, claudorum baculus, pauperum consolatio, arbor resurrectionis, lignum vitæ æternæ. & Damascenus: crux CHRISTI clauis est paradisi. hæc infirmorum baculus, pauperum virga, cōuertentium manu ductio, proficientium perfectio, animæ salus, & corporis, omnium bonorum datrix. & Bernardus: ò verè cœlestis planta, pretiosior cunctis, sanctior vniuersis. O verè lignum vitæ, quod solum fuit dignum portare salutis fructum. Idem alibi: Vide quid de Deo tuo sentias, vide quantum de eo præsumas. Vide quis brachijs vicariæ charitatis amandus, & amplectendus sit; qui tanti te æstimauit, immo qui tanti te fecit. De latere enim suo te formauit, quando propter te à Deo patre exiuit, & matrem synagogam reliquit, vt adhaerens ei, vnus cum eo spiritus efficiaris. Humilem te iam præbe anima mea in huius conspectum crucis, quæ humilem dominum tuum suscepit, & sustinuit, cum è regalibus sedibus ad nostras sedes applicuit, cumq; pauperrimam in cruce pati mortem elegit, vt diuitem in cælo nobis

bis donaret vitam. Compatiaris domino tuo, quia studiosus miles non sentit sua, cum benigni Ducis vulnera intuetur. Si vnquam superbisti, humiliatum respice caput **CHRISTI**, & peracutis spinis circumpunctum: si auarè nimium egisti, intueri manus eius duris clauis perforatas: Si quando carnis ardoribus flagrasti, vide quam rigidè membra omnia ad columnam discerpta, fracta, & dilaniata sint: Si ira accensa conturbasti omnia, vide eum mansuetum pro nobis inimicis animam in patris manus commendare, inde latus lancea apertum præbere: si te ipsum, ac proximum inuidendo contristasti, contemplare illum sortem nostram miseratum, nobis alacriter sanguinem suum donasse: si gula indulgisti intemperatè viuendo, felle, & aceto potatum respice: si quandoque torpuidisti, & diuinæ accipiendæ gratiæ occasiones amisisti, ipse suis conclauatis pedibus adhuc te expectat ad pœnitentiam. Audi vocem eius turturis, & columbæ cantum æmulantem: Veni amica mea, columba mea formosa mea, intra in foramina petræ, & in cauernam maceriæ. Petra **CHRISTVS** tuus est quinque iam foraminibus pertusus, qui adhuc clamat, foderat manus meas, & pedes meos, dinumerauerunt omnia ossa mea. Lapis est hic, quem reprobauerunt ædificantes, quiq; positus est in caput anguli; & iure quidem, quia vndique pertusus, contusus, & scalpro tormentorum probatus est. Dic & tu anima mea **CHRISTO** tuo: Intra & tu in petram, hoc est in cor meum omni filice rigidius, vt in eo tuâ insculpas imaginem, quæ omnem auferat profanam impressionem. Scinduntur petræ, & velum templi in partes diuisum est. Tu vero omni saxo durius cor meum adhuc in morte domini obduresces, & in tuo rigore permanebis? Si Sol, & Luna, moriente domino, lunæ spoliati sunt, quia non alia de causa is mori voluit, quàm vt è pectore meo peccati tenebras depelleret; quid ni tu anima mea in huiusce noctis atra caligine te ipsam excuties, vt cum **CHRISTO** tuo vigiles in æternam lucem? Si è petra, qui **CHRISTVS** est, manauit sanguis, & aqua, cur non saltem compunctionis, & contritionis educes lacrymas? Percussit Moyses petram in deserto, & fluxerunt aquæ; percussit lancea Longinus pectus domini, & manarunt sanguinis, & aquæ riuus: percutiet & Deus cordis mei petram, & fluent pœnitentiæ lacrymæ. Terra tremit, franguntur lapides, aperiuntur sepulchra, exeunt mortui, & in sanctam veniunt urbem; & non scindetur cor? non aperiatur fœtens peccatorum sepulchrum, in quo iacet anima semimortua, vt rediuiua cœlestem Dei ingrediatur ciuitatem? Super hæc, si ab ipso filice ignis excutitur, minimè verendum est, quin **CHRISTO** petra viua cor meum omni lapide durius percutiente, scintillæ viui, cœlestisq; ignis, immo ardentes flammæ charitatis Dei sint proditura, quibus anima concremata, phœnicis instar, antiquis succensis exuijs, nouam, æternamq; victura sit vitam. Vos etiam spinæ, quæ dominicum pupugistis caput, cor humilis serui pungite, quia sicut diuinum caput alio diademate redimi decuit, sic & cor meum alia spina pungere non debet. Cor ipsum iam figite, cuius confixu versabunt oculi contritionis lacrymas, quæ mihi gratiæ aquas impetrabunt, habendiq; cupidinem

In Christum passum

cupidinem inexplibilem sedabunt, & fiet in me fons aquæ viuæ salientis in vitam æternam; vbi cessante luctu, & geminatis gratijs, frui dabitur bonis perennibus in patria. Hem membrum pungite, vt capiti condo-
leat suo; cum non deceat sub capite spinoso membrum esse delicatum. Si nobis ille spicas dedit, nosq; illi spinas; cur non efficiet spina, dum con-
figitur, vt conuertar in ærumna mea? Si caput is spinarum puncturis sub-
iecit, cur non vitiorum meorum spinæ, tribuliq; euellentur? Noui qui-
dem, nec dubito, quin Sathan, sub exitu vitæ, malè affectæ conscientiæ
meæ, vti spem omnem de mea salute mihi præripiat, rationem prolatu-
rus sit: spero tamen, habeoq; pro comperto Angelum custodem debiti
depensionem, & solidationem omnem cruore Dominico magni pretij
cumulatissimè factam deprompturum esse, quæ res me ipsum in fide soli-
da, & constanti spe misericordiæ eius retinere, & audaciter confirmare po-
terit. nam quæcunque inimicus meus aduersum me debita nigerrimo
peccatorum meorum atramento crudeliter exarauit, hæc ipsa roseo, pioq;
cruore suo dominus meus IESVS deleuit, & absterfit. Cum enim mo-
dica delectatione corporis, æternis ignibus me deuoui, id ego diaboli in-
citamentis, & malis artibus delinitus commisi; quoniam verò in hoc dia-
bolico contractu enormissima intercessit læsio, quæ probat, dolum aduer-
sarij mei dedisse causam contractui; non dubito, quin viuorum, mortuo-
rumq; iudex rescissurus sit contractum, nec passurus, vt pro modica, &
temporaria delectatione peccati, anima cunctis mundi diuitijs maximis,
& æternis deputetur supplicijs. Quod si pater sanguinem quærit in no-
strorum scelerum ultionem, te charissimum aspiciendo filium, sanguine
aspersum madidumq; totum, iam esse iustitiæ diuinæ satisfactum agno-
scet, satisq; in hominem vindicatum. quia cum Deus esses pater non mi-
nor, humanitatem assumpsisti nostram, Deusque, & homo constituisti in
medio, & vt inter Deum, & hominem pacem firmares, factus es omnium
nostrorum scelerum reus, quorum omnibus malis excruciatas, graues
admodum pœnas reddidisti. Quod si ita est, quis vnquam dicere aude-
bit, ad mundi totius delenda peccata mortem tuam non sufficere? Nun-
quid è summo cœlo iterum descendes, nostramque rursus carnem assu-
mes, vt pro nobis patiaris, quoties in aliquo flagitiorum genere volutabi-
mur? Absit: Sufficit enim te semel descendisse, vestemq; inimicis diui-
dendam permisisse, vt sic instar noui Iosephi, nudus, vt veneras, ad patrem
redires. ab hinc autem, si quoties prolabamur, memoria passionem tuam
repetentes; condolebimus, non dubito, quin peccatorum omnium ve-
niam consecuturi simus. Hincq; dulcem esse, & amara simul passionem
tuam iustis rationibus pronunciare non dubitamus. quoniã dulcis qui-
dē est nobis, qui fruimur fructu eius; amara tibi, qui tulisti pœnas. quin-
etiam dulcis tibi ob affectum, quo nos dilexisti; nobis autem amara pro-
pter peccata nostra, quæ tantæ amaritudini causam præbuerunt. vnde sa-
cra canit ecclesia: Dulce lignum, dulces clauos, dulcia ferens pondera.
O dulce lignum, o dulces clau, o dulces spinæ, o mors dulcissima domini
mei. Potuisti quidem, o mors candidū velum, immaculatamq;

CHRI
STI

STI carnem dilaniare, sed in ipso morfu fuisti dentibus, & veneno exarmata; & quæ nobis olim fueras dura, & amara, nunc dulcis effecta es, tantumq; optata modo, veluti ad æternitatem necessaria porta, quantum olim in horrore fuisti, veluti huiusce indiuidui nostri dissolutrix, & viacerta ad perpetuas tenebras. O te miseram, quæ delitescentem non agnoscens diuinitatem, humanitati dentem admouere non dubitasti, & humanitatem concerpens, diuinitatis mucronem experta es, vnde & cœcidisti. Mors quidem à morfu rectè dicebaris, utpote quæ nulli parcens, omnes simul morfu impetebas, nunc autem deterius nihil moliri potes; quia vbi prius omnes absorbere, & deglutire solebas, nunc Christicolæ solū mordes, quippe cui Deus morsum duntaxat reliquit; illumq; minimum lædentem, excussis nempe dentibus, & faucibus effractis. O nos beatos, quos tu dulci commendas somno, in nouissimum vsq; diem producendo, quo euocabit nos ab ergastulis nostris Deus, ut illi viuamus, & vigiles seruiamus in secula. Quoniam verò de morte est noster sermo, hoc non est silentio prætereundum, quòd scilicet omnis ferebat ratio, ut nos omnes Deo propter mortem filij eius qui in mundo mactatus est, odiosi fuissimus effecti; mors tamen in causâ fuit, ut nos illi in gratiam rediremus. Itaque mors est omni vita dulcior, cum per mortem vita nostra sit instaurata; cuius rei causâ maius opus asserimus redemptionis, quàm creationis fuisse. siquidem dicto parebant omnia, nec res vlla voluntati Dei resistebat in creatione: at in recreatione obstabant culpa, peccatum, pœna, & corrupta voluntas nostra. Nam ante creationem nostram nihil à nobis committi potuit, propter quod creari non debuerimus; postea verò quàm iam creati, æqui fines transcendimus, ad non esse criminis atrocitate redacti sumus. Itaq; recreationi, hoc est introductioni nouæ essentiae commissum obstabat crimen, cuius interturbatione, & obstaculo recreari nos minime consentaneum fuerat; sed vicit se ipsam misericordia Dei: atq; vbi abundauit peccatum, abundauit & gratia: qua factum est, ut per mortem eius obice sublato peccati, ad pristinam, immo lōgè excellentiorem essentiam regeniti, & recreati fuerimus; sicq; bis à non esse ad esse, eius benignitate, perducti sumus; & tanto melius, ac perfectius posteriore quàm priore loco, quanto simplici esse præualet benè esse. Hinc mihi fatendum est, me quidem multum debere Deo meo creationis gratia; multò autem magis causâ recreationis. Ipse enim sine vlla dubitatione, cunctis, præualet creaturis: se ipsum verò pro me misero peccatore morti tradendo, palam utique fecit creationi mortem esse præferendam. Et ut ego infinitum infinitè peccando offendi, sic ipse infinitum pro me debitum exsoluendo, vinculum mihi infinitæ obligationis iniecit. Non erat quippe finito mihi, quod infinito darem pro infinito creationis beneficio; at ipse infinitus IESVS se ipsum mihi dedit, ut me Deo consecrando, illum vnà mecum offerrem, sicq; cum infinito ipsi infinito satisfacere. Quare duplex mihi cum Deo meo obligatio intercedit, naturalis vna, altera reatus causâ; prior cæterarum creaturarum comparatione dignoscitur, posterior lapsum declarat, simulq; reparationē per CHRISTI

G

mortem

In Christum passum

mortem ostendit. Huius ergo sacratissima mortis memoriam in perpetuum cœlum, in qua vitam meam sitam esse prorsus intelligo. Erit hoc itaq; speculum, in quo vitam meam moresq; cōponam. Sed, heu memiferum, quia in eo multa lacrymosa conspicio, nempe sanguinem, flagella, sputa, spinas, clauos, lanceam, mortem: vtinam verò non simul etiam reddat mihi tristem peccatorum imaginem, nempe culparum, transgressionum, commissionum, omissionum, negligentiarum, in summa, iniquitatum omnium. Ceterum quæ erit hæc commutatio, vt dem ego tibi, IESV mi domine, peccata mea: tu verò sanguinem des mihi tuum, carnem, & animam? si addidero laudes, & lacrymas, non eges his quoq; Deus, ideo nihil non tuū, præter peccata, quæ mea sunt, tibi dare potero. Reliquum est ergo, vt ad preces me vertā, & ad solam spem venia. sicut enim in cruce sacratissimam efflasti a nimam, sic & ego in morte, meritisq; tuis sperabo semper: vt in infernum misericordiæ gratia descendisti, ita & ego salutis meæ causa me ipsum ante crucem tuā humiliabo: vt in cœlum ad gloriam tuam ascendisti, sic & ego ad thronum tuum adorationis causa ascendere non verebor: demumq; vt tu ad patris dexteram resides, ita & ego deprecabor, vt ad cœlestis conuiuij mensam discumbere iubeas animam meam. Si enim dum abiectus homo, & inops versaberis in terris nullam vnquam flagitanti gratiam denegasti; cur modo de misericordia dubitabo tua, quando in sede maiestatis tuæ sedens verus Deus, & diues in omnibus peramplius, & perfectius elargiri potes? Dulce est nomen tuum, & bone IESV. lucet enim prædicatum, pascit recogitatum, lenit, & vngit inuocatum, exercitatos reparat sensus; virtutes roborat, vegetat bonos mores, atque honestos, castas fouet affectiones. Nihil ita, sicut hoc nomen IESV iræ impetum cohibet, superbiam tumorem sedat, liuoris vulnus sanat, luxuriæ fluxum restringit, libidinis flammam extinguit, sium avaritiæ temperat, atque omnis iniqui facinoris cupidinem auertit; cui si addas & CHRISTI nomen, tunc exprimit vnitatē personæ, in duabus naturis, exprimit etiam regiam, sacerdotalemq; dignitatem, & gratiæ plenitudinem propter vñctionis prærogatiuam. Ne, quæso, mi domine benignissime, respicias opprobrium meum, quia licet terræ fex ipse sim: tu tamen vermem dici te non recusasti. quod si ita est, indecorum videri non poterit, vt in fece moretur vermis, à quo si premi contigerit, non vti que Sabæos æmulabitur odores, immo argentum, & aurum floccipendet. Peccam, fateor, & peccati me pœnitet mei. Dignus planè est morte, qui tibi CHRISTE, recusat viuere, & qui tibi non sapit, desipit: & qui curat esse nisi propter te, pro nihilo est, & nihil est. propter te ipsum Deus fecisti omnia, & qui sibi vult esse, & non tibi, nihil esse incipit inter omnia. Si me vlla pœna adhuc manet, cum me maximas meruisse fatear, tu tua ne dedigneris bonitate temporariam cum aeterna commutare. quia sicut peccatorū reatum noui, ita pœnæ necessitatem agnosco. Si enim te oportuit pati, qui immunis eras à peccato, vt intrares in gloriam tuam, multò magis cōpatiendum est mihi, qui deliqui, vt ad non meam admittar gloriam. Da capiti meo aquam, & oculis meis fontes lacrymarum, vt defleam diebus,

diebus, ac noctibus delicta, & insipientias meas, vt non modo carnis ardore extinguam, sed & parata, quaq; promeritus sum æterni ignis incēdia, simulq; patri Deo gratum persoluam obsequium; quia fluminis impetus latificat ciuitatē Dei; & maius esse gaudium docuisti coram Angelis Dei super vno peccatore pœnitentiam agente, quàm super nonaginta nouem iustis pœnitentia nō indigentibus. Durum cor meum est, & peccati ignibus penē consumptum, patris item sanctissimi pectus nimia charitate exarsit, cum te dilectissimum filium misit in mundum, vt nostra assumpta carne patereris, & morereris; ideo pijsime tu mi Domine ignem venisti mittere in terram, vt ipse effatus es: itaq; ignis accendat ignem; quin ignis extinguat ignem, nempe ardeat anima cœlesti igne, vt peccati, simulq; inferni extinguat ignem. Sic Petro contigit, & sanctis omnibus quorum ardens charitas lacrymas exiuit; ille verò ad extremum in risum versæ sunt. Hanc enim commutationem fieri solere testis est Magdalena, cuius peccata in cœlestem gratiā transmutata fuerunt: testis est latro, cuius à mundo damnati tormenta, in lætitiā cœlestis libertatis conuersa sunt. Quapropter & ego peccator omnium maximus, non absimilem spero sortem; nam si collacrymabo, & conridebo: si simul pœnitentia me ipsum mace-
rauerō, & conlatabor: si contorquebor, & conliberabor; reddamq; pro charitate dilectionem: pro amarissimo calice, lacrymulam: pro doloribus, compassionem. Tu, tu mi domine IESV CHRISTE respice, in me pijs oculis misericordiæ tuæ, inq; animam meam sanctissimæ passionis, & mortis tuæ memoriam imprime, in qua sola spem omnem æternæ vitæ sitam esse manifestum est; & si memoriale tuum à generatione in generationem transit, imprime illud lapideo cordi meo, & ita insculpe, vt nullam aliam vnquam impressionem recipiat, nullam insculptionem admittat. Ostendit hæc mihi profectò memoria mortis tuæ, mortale me esse, nec diu in mundo permanere posse. Hæc vna, tutaq; via mihi præmonstrata est, vt per eam, tuo adductus lumine, & vadam, & redeam, nihilq; præter tuam, meamq; recolens mortē, mori pro te meritò cupiam, sicut tu pro salute mea immeritò mori dignatus es. Asperges me domine hyssopo, & mundabor, lauabis me, & super niuem dealbabor. hyssopus enim mortis tuæ memoria est, quæ sicut primo hauſtu amara esse videtur, ita demum ægrotanti animæ salutem affert. Hæc dulce mihi distillabit nectar, quo & leuabo sitim, & satiabor tandem cum facie ad faciem tuam dabitur contemplari maiestatem, in cuius solius fruitione omnne bonum situm esse non dubito. His tandem sic exactis, completisq; recedunt turbæ, quæ venerant ad spectaculum, & plangentes pectora in pœnitentiæ, dolorisq; significationem reuertuntur; Sola mater cum Ioanne Magdalena, & sororibus plorantes consistunt ad crucem. quis dolor, quis luctus, quæ fuerint lamentationes, qui piè meditatur, facile conijcere poterit, si cum dolore amorem componere voluerit. Siquidem constat nullam vnquam matrem maiori filium suum, quam beata virgo, amore complexam fuisse. Sorores item sororis mœrorem, nepotisq; mortem maxime doluerunt. Ioannes insuper sobrinus domini, qui in cœna supra eius

In Christum passum

pectus recubuerat, & arcana hauserat, quæ non licet homini loqui; quiq; tenere admodum à viuento domino se dilectum esse, & paulo ante sibi matrem fuisse à moriente commendatam, memoria repetebat à lacrymis temperare minimè poterat. Magdalenam demum, de qua septem ille fugauerat demones, totam se in luctum dissoluisse certum est. Itaque totus aer lamentationibus replebatur, & veluti compatiètes ipsæ vicinæ rupes, & cliui querulas voces reddebant. Videres piam matrem erigentem se, manusq; vt filij pedes tangeret attollentem. Sed præ crucis proceritate, cum attingere dilectissimos pedes non posset, crucem ipsam, humumque sanguine rorulentam positis genibus amplexantem adorare. Videres afflictam, & consternatam virginem diffusum & sparsum cruorem reuerenter omni ex parte pannis ac vestimentis colligere: mox affectam nimia lassitudine, cum pedes amplius officium suum facere nō possent, humum prolapsam aduersus crucem cum sororibus vnà confedissee. Quæ cogitationes, qui dolor, quæ suspiria anxium, castumq; pectus exagitauerint, nemo quisquam verbis exequi sanè potest. Siquidem amantissimum, innocentissimūq; filium duris clauis in cruce suffixum, spinea corona redimitum, sumantem adhuc sanguinem, turgida vulnera, totumq; lacerum corpus aspiciebat; nec auertere oculos inde poterat, nec animum à contemplatione abducere. Solabantur illam quidem sorores, nepos & Magdalenā; egebant tamen ipsi quoque non minus consolatione, qui mirè affligebantur Iudeorum rabiem intuentes, quamq; dirè, & inhumaniter secum egissent recogitantes. Interea maximus auditus est armorum fragor, & equorum strepitus; nec mora, adsunt milites, atq; carnifices iussu Præsidis effracturi pendentium CHRISTI, & latronum crura, ne maximo illo die sabbati crucibus appensa remanerent corpora; & latronum quidem tibias perruperunt: ad IESVM autem cum venissent, & iam prorsus extinctum offendissent, eo labore leuati, abierunt; vt imple-retur propheticum vaticinium, in hæc verba præcantatum: os non cominuetis ex eo. Ex cuius obitus celeritate, tum dolorum, tormentorumq; acerbitem, tum verò carnis, & membrorum teneritudinem coniectare licet; vel etiam summam illam ponendi animam suam, potestatem. Quoniam verò viuentem Iudei intestino odio persecuti fuerant, mortuo quoque parcere noluerunt; ideo præ longa, peracutaq; sarissa latus eius dexterum aperuerunt; impletaq; tunc scriptura est, dicens: Videbunt in quē transfixerunt. Euestigio autem manarunt ex eo vulnere largi sanguinis, & aquæ riuī, iuxta illud: apud dominum misericordia, & copiosa apud eum redemptio. Hoc autem vulnus non domino tantum illatum est, verum & ipsa mater hoc eodem transfossa est iuxta illud Simeonis: Tuam ipsius animam pertransibit gladius. Steterat illa, dum vixit filius; eo mortuo sedit, sed, aperto latere, cecidit semianimis inter Magdalena brachia. nullum certè proferebat verbum, exanimato filio, sed altum premebat corde dolorem; nam quoties in charissimum filium sauitum est, toties illius anima sanctissima transuerberata doloris gladio extitit. Et quamuis effluisse eum iam agnosceret animam, videretq; pendentem in cruce, & in-

ter latrones, totum lacertum, totumq; nudum, & duris clavis terebratum; nec querulas tamen edere voces audebat, nec fari poterat, ne sauius etiam aliquid in eum patrarent hostes. Hem quid agitis oculi mei? sicci ne semper eritis? videte qualia passus est dominus, quare passus, & pro quo passus. mortem passus est, crudelem, infamem; pro seruo, pro inimico, pro rebelle. amor in causa fuit cur pateretur absq; vlla retributionis spe. Videte innocentes manus, inermes latus, immaculata vestigia, pro auaro, iracundo, & deuo traiecta. cernite redemptoris supplicium, simulq; attendite redempti delictum. hic enim est in quo dolus nullus inuentus est, inter iniquos tamen deputatus est. hic percussus est propter scelera populi, dilectus tamen est, in quo pater sibi bene complacuit. Nudatum candet pectus. rubet cruentum latus, arent tensa viscera, decora languent lumina, regium os paller, procera rigent brachia, crura pendunt marmorea: vnda sanguinis rigat sanctissimos pedes, augustissimam frontem pungit spinea corona. Ait pia mater complicatis manibus, strictis labijs, firmis oculis, immotisq; pupillis dilectissimum intuetur filium, nec fororum cohortationes, nec Magdalene preces, nec Ioannis suasio, aut oculos eius, aut animum abstrahere inde possunt. Iam vero quia inclinat dies, noxq; appropinquat, quid sibi agendum sit, non satis consilij mater, ceteriq; confedentes capere possunt. Si inde auellere corpus velint, nulla forceps, nulla est illis scala, nullum auxilium, immo ad deponendum, sepeliendumq; nullae prorsum suppetunt vires. Si recedant, nec fert animus, nec amor patitur. Si diutius morentur, horret animus noctis tempore clausis ciuitatis portis solas esse in ea solitudine. Dum vero hisce curis exagitantur; ecce Ioseph nobilis Decurio ab Arimathia ciuitate, occultus CHRISTI discipulus ob Iudeorum metum, vir iustus, & timens Deum, qui non conserferat Iudeis, neque consilij, aut actibus eorum; indignè ferens corpus diutius insepultum manere, cum refigere illud, ac sepelire, iam cōsentiente Pilato, in animum induisset, assumpto secum Nicodemo itidem occulto CHRISTI discipulo, venit ad Caluarie locum, vbi nixus genibus prius adorat dominum, mox uterq; scalis admotis sese erigit in crucem. clauo dehinc forcipe mordicus euulso, hic dexteram refigit: ille manum cadentem & brachium sustentat. mutatis inde scalis, sinister extruditur clauus, & exangue corpus in pectus, & humeros Iosephi recumbens sustinetur, donec, educto pedum clauo, reclinatum, amplectitur lugēs mater, tandem iuuantibus ceteris sensim deponitur in terram. exceptum caput & humeros, mater gremio confouet: Magdalena apprehendit, & osculatur pedes, apud quos tantam inuenerat gratiam, & misericordiam. Circūstant alij plorantes, & inconsolabiliter lugentes, orat Ioseph dominam, vti corpus condi patiatur; flens illa à charissimo filij complexibus euelli non potest: osculatur saepe pallidam faciem, repetitisq; bajijs, tum frontis serenissimæ, tum oris elegantissimi venustatem delibat. aut finite, me, inquit, diutius filij mei incundissima facie potiri: aut vnà cum illo me miseram sepelire. hem, quæ contemplatio deinceps? quæ consolatio dabitur miseræ? O crudeles spinæ, quæ filij mei pupugitis sacratissimum caput;

In Christum passum

caput; ò truces clauis, qui manus, ac pedes creatoris vestri traiecistis; ò dira flagella, quæ membra delicata fregistis, & concerpsistis. O sauiiores carnifices, qui rutilantem depilatis barbam, diuinamq; faciem purulentis sputis conspurcastis. manus, ac pedes duris clauis perterebrastis. omnium crudelissimus miles, qui etiam mortui cor lanceæ mucrone aperire non abhorruit. hæc dicens, vulnera lacrymis abluebat, eademque indefinenter sudario tergebat. Magdalena pariter, quæ viuientis pedes compunctionis lauerat lacrymis, nunc compassionis eosdem mortui rigare non desinit. rimas osculatur, sanguinem veneratur, pedes adorat. Flebant cuncti, & suspirijs ex imis cordibus petitis aerem replebant. O si corporeis oculis Angeli, & Archangeli cerni potuissent, vidisses cunctos beatos spiritus pientissimæ matri condolere, magnisq; agminibus lacrum domini corpus adorare. Luge & tu anima mea, quia quæ passus est dominus tuus tui causa passus est. Etenim diuinum caput ob id spinis perforatum est, ne tua fauciaretur intentio, neve à superbix peccato elata demergereris in profundum. Caligauerunt in morte sancti oculi, duoque illa cæli luminaria obtenebrata sunt; vt auerterentur oculi tui ne vanitatem viderent, vel si viderent, non tamen adhærerent ei. Aures illæ quæ semper in cælis audiunt voces illas clamantium: Sanctus, Sanctus, Sanctus, dominus Deus Sabaoth, quæque in terris audierunt blasphemias, & impropria, dæmoniacasq; voces illas, crucifige, crucifige eum, obsurduerunt; ne tu ad pauperis clamorem viscera clauderes pietatis. Os illud, quod habuit verba vitæ, quod docuit Angelos, & instruxit homines, quodque dixit, & facta sunt omnia, felle collutum est, & acero; vt os tuum laudes diceret domino Deo tuo, veritatem loqueretur, & iudiciū, gulaque non indulgeret. Decora facies speciosi forma præ filijs hominum, sputis illita, colaphis cæsa, totaq; contusa est; vt facies tua illustraretur, & illuminaretur, illuminata confirmaretur, & de te tandem diceretur: Vultus eius non sunt amplius in diuersa mutati. Manus illæ quæ terræ fundamenta iecerunt, quæq; extenderunt cælos, in cruce extensæ sunt, peracutisq; clauis confixæ; vt manus tuæ extenderentur ad inopem, & non auarè quid agerent. Pectus sanctissimum, in quo sunt omnes thesauri scientiæ, & sapientiæ Dei absconditi, militari lancea perforatum est; vt pectus tuum, omnibus abiectis prauis cogitationibus mundaretur, mundatum sanctificaretur, sanctificatumque seruetur, & sancti Spiritus fieret habitaculum. Pedes illi, quorum scabellum vt sanctum adorandum est, transfixi sunt trabali clauo; ne pedes tui laberentur in malum, sed gressus dirigerent in semitas mandatorum Dei. In summa, quæcunque passus est dominus tuus, pro te passus est, vt mente semper impressam conseruares eius bonitatem, & charitatem mirareris, qua dilexit te, simulque illi tu pro amore dilectionem, pro charitate affectum cordis rependeres. Age verò orat Ioannes dominam, vt iam temperet à lacrymis, patiaturque sepeliri corpus, orant sorores, simulque Magdalena, Ioseph, & Nicodemus, Sabbati diem aduentare dicentes, quo talia fas non est operari: imminere dehinc Iudeorum calumniam asseuerant,

rant, ideoque non esse diutius immorandum. Permittit tandem domina, precibus, & rationibus victa; repetensque memoria Ioanni se fuisse à filio commendatam, non esse sibi ulterius resistendum putat: Quare signatum, benedictumque à se corpus, componi ad sepeliendum finit. vngunt illi, Tyriaque sindone munda obtegunt, & inuoluunt, atque aromatibus condiunt. Pedes diu lacrymis rigatos, osculatur, tergit, adorat, & aptat Magdalena. Caput solum superest obtegendum; huic mille figit basia pia mater: Redintegratur luctus, nec domina modò, sed cuncti simul condolentes plorant. illa faciem faciei charissimi filij admouens hanc astringit, irrigat, tergit, & aptat sudariolo. Flexis omnes genibus adorant, sustollunt, & in vicinum important hortum. Domina caput, Magdalena pedes, reliquas corporis partes sustinent ceteri, deuoteque deferentes corpus, in monumento nouo, quod excisum fuerat in petra, & in quo nemo quisquam positus adhuc fuerat, deponunt, & sepeliunt. Funus prosequuntur Angeli, & homines; siquidem triste canunt illi flebilibus modis laudes domini; hi gemitibus, & suspirijs, vicem suam dolent. Dum luget domina, & venerandum deosculatur sepulchrum, accedit Ioannes plorans, eamque surrigit, & è monumento educit. Euestigio reliqui ad ostium ingentem lapidem deuoluunt, vt inde paulo post recedant: verum enimuero diuelli vix potuit dulcis mater, quæ sedens contra sepulchrum, quantum in ea fuit abitionem differebat. Solatur eam quantum potest Ioannes, hortaturque vt vnà secum ad urbem contendat, ne aduentante nocte, vel ibi pernoctare, vel intempesta saltem nocte ciuitatem adire cogerentur; illa verò natura mitis, & placida, dicto parens, surgit, genua curuat, adorat, osculaturque sepulchrum, & Ioannem sequitur lento gradu, vtpotè quæ maximis excruciat doloribus, præ lassitudine, vix consistere poterat. Procedentibus illis, prior domina flectit genua, crucemque adorat, quæ & prior natum adorauerat filium: Cum verò ciuitatem versus iter arripuissent, vertebat sæpe se domina, & respiciebat, à loci conspectu ceu consolationem acceptura; ita fit, vt qui verè amant, ex solius etiam loci, & domus amati visione voluptatem capiant. Tandem omnes urbem ingrediuntur; occurrunt certatim boni, bonæque viri, & matronæ, virgines dehinc abeuntem sequuntur; flent omnes, condolent, & compatientes ad suas quisque domos eam inuitant: siquidem nulla illi omnino certa erat sedes, sicut nec filio fuerat, qui in aliena humili domo natus est, viuensque non habuit vbi reclinaret caput, nec moriens vnde nuditate tegeret, minus verò quo mortuus inuolueretur, aut vbi sepeliretur. Peruentum est tandem ad Ioannis ædes, cumque domina ad fores constitisset, vertens se ad matronas, quæ se illi comites præbuerant perhumana, & diuinis moribus respondente salutatione gratias egit, vnà commorata est domum ingressa, cum Ioanne quamdiu in humanis fuit: cuius viduitatem, egestatemque ille miro leuauit obsequio. Tu verò anima mea si matri non condoles, si tantis in perturbationibus non commoueris, omni profecto felice te duriorum fateri, necesse habes. Laua, laua & tu lacrymis compunctionis sacratissimum domini

In Christum passum meditationes.

mini tui corpus, totum cruore respersum; orationis vnguentis lini: charitatis, humilisq; operations brachijs defer: sepeli cum aromatibus bonæ conuersationis, doctrinæ, & exempli. adde gemitus, suspiria, lacrymas, & fletum: sub amoris, deuotionisq; pauimento tege, in sindone mundæ conscientiæ, & castæ mentis: sudario laboreq; pœnitudinis, & inibi sedens iuxta illum ad monumentum præstolaberis resurgentem. Tu bone IESV, qui sepeliri voluisti, & custodiri, concede, vt in lapideo corde meo spiritualiter te sepeliam, lugeam, & diligenter custodiam; vt vnâ tecum confepultus, merear & ego ad resurrectionis gloriam peruenire, tecumq; regnare, qui cum patre, & Spiritu sancto viuis, & regnas in secula seculorum. Amen.



V T I N I, M. D. XCV.

Apud Io. Baptistam Natolinum.